



МОЛИТВОСЛОВ

с правилом
ко Святому Причащению

Пасхальный канон





МОЛИТВОСЛОВ

с правилом
ко Святому Причащению

Пасхальный канон

ЗЕУНА
Рязань 2012

УДК 281.9
ББК 86-372
М 75



Рекомендовано к публикации
Издательским Советом
Русской Православной Церкви
(ИС 10-10-0699)

*По благословению митрополита
Симона (Новикова) (+2006)*

**Молитва
о даровании молитвы**

Научи́ мя, Го́споди, усерд-
но моли́тися Тебе́ со внима́-
нием и любóвию, без нѣхже
моли́тва не быва́ет услы́шана.
Да не бу́дет у мене́ небре́жныя
моли́твы во грех мне.

*Молитвослов с правилом ко Святому Причаще-
нию... — Рязань: Зёрна-Слово, 2012. — 128 с.*

Книга – почтой: www.zyorna.ru
тел. 8-(4912) – 76-44-18
тел. 8-800-200-84-85 – бесплатный.

ISBN 978-5-903138-53-1



МОЛИТВЫ УТРЕННИЕ

Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:*

**Во имя Отца, и Сына, и Святаго Духа.
Аминь.**

Затем немного подожди, пока все чувства твои не придут в тишину и мысли твои не оставят все земное, и тогда произноси следующие молитвы, без поспешности и со вниманием сердечным:

Молитва мытаря

(Евангелие от Луки, глава 18, стих 13)

**Бóже, мýлостив бýди мне грéшному.
(Поклон)**

Молитва предначинательная

**Гóсподи Иису́се Христé, Сы́не Бóжий,
моли́тв ра́ди Пречи́стыя Твоея́ Ма́тере
и всех святы́х, помíлуй нас. Аминь.**

**Примечание. Напечатанное курсивом (названия молитв и пояснения) не читается во время молитвы.*

Сла́ва Тебе́, Бо́же наш, сла́ва Тебе́.

Молитва Святому Духу

Царю́ Небе́сный, Уте́шителю, Ду́ше
и́стины, И́же везде́ сый и вся исполня́й,
Сокро́вище благі́х и жи́зни Подáтелю,
прииди́ и всели́ся в ны, и очисти ны от
всякія скве́рны, и спаси́, Бла́же, ду́ши
на́ша*.

Трисвято́е

Святы́й Бо́же, Святы́й Кре́пкий, Свя-
ты́й Безсме́ртный, поми́луй нас.

(Читается трижды, с крестным знаменем и поясным поклоном.)

Сла́ва Отцу́ и Сы́ну и Свято́му Ду́ху,
и ны́не и прі́сно и во ве́ки веко́в. Ами́нь.

Молитва ко Пресвятой Троице

Пресвята́я Тро́ице, поми́луй нас; Го́спо-
ди, очисти грехи́ на́ша; Влады́ко, прости́
беззакóния на́ша; Святы́й, посети́ и исце-
ли́ немо́щи на́ша, и́мене Твоего́ ра́ди.

* От Пасхи до Вознесения вместо этой молитвы читается тропарь: «Христос воскресе из мертвых, смертию смерть поправ, и сущим во гробех живот даровав». (Трижды) От Вознесения до Троицы начинаем молитвы со «Святы́й Бо́же...», опуская все предшествующие.

Господи, помилуй. (Трижды)
Слава, и ныне*.

Молитва Господня

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Тропарі Троїчные

Воставше от сна, припадаем Ти, Блаже, и ангельскую песнь вопиём Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мои отверзи, во еже пети Тя, Святая Троице: Свят, Свят, Свят еси, Боже, Богородицею помилуй нас.

* Когда написано «Слава:», «И ныне:», надо читать полностью: «Слава Отцу и Сыну и Святому Духу», «И ныне и присно и во веки веков. Аминь».

И ны́не: Внеза́пно Судия́ прии́дет, и коего́ждо дея́ния обнажа́тся, но стра́хом зове́м* в полу́нощи: Свят, Свят, Свят еси́, Бо́же, Богоро́дицею поми́луй нас.

Го́споди, поми́луй. (12 раз)

Молитва ко Пресвятой Троице

От сна воста́в, благодарю́ Тя, Свята́я Тро́ице, я́ко мно́гия ра́ди Твоея́ бла́гости и долготерпе́ния не прогне́вался еси́ на мя, лени́ваго и грёшнаго, ни́же погуби́л мя еси́ со беззако́нными мои́ми; но человеколю́бствовал еси́ обы́чно и в неча́янии лежа́щаго воздви́гл мя еси́, во е́же у́треневати и славосло́вити держа́ву Твою́. И ны́не просвети́ мой о́чи мы́сленныя, отве́рзи моя́ уста́ поуча́тися сло́весе́м Твои́м, и разуме́ти за́поведи Твоя́, и твори́ти во́лю Твою́, и пе́ти Тя во испове́дании серде́чном, и воспева́ти все́святое́ и́мя Твое́, Отца́ и Сы́на и Свята́го Ду́ха, ны́не и прі́сно и во ве́ки веко́в. Ами́нь.

* В церковнославянском языке нет звука ё, а поэтому надо читать «зовем», а не «зовём», «твое», а не «твоеё» и т.д.

Приидѣте, поклонѣмся Царѣви нашему Богу. (*Поклон*)

Приидѣте, поклонѣмся и припадѣм Христу, Царѣви нашему Богу. (*Поклон*)

Приидѣте, поклонѣмся и припадѣм Самому Христу, Царѣви и Богу нашему. (*Поклон*)

Псалом 50

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе единому согреших и лукавое пред Тобою сотворих; яко да оправдишися во словесах Твоих, и победиши внегда судити Ти. Се бо в беззаконіих зачат есмь, и во гресех роди мя мати моя. Се бо истину возлюбил еси; безвѣстная и тайная премудрости Твоея явил ми еси. Окропиши мя иссопом, и очищуся; омыеши мя, и паче снѣга убелюся. Слуху моему даши радость и веселіе; возрадуются кости смиренныя. Отврати лице Твое от грех моих и вся

беззаконія моя очисти. Сѣрдце чѣсто
созѣжди во мнѣ, Бѣже, и дух прав обно-
ви во утрѣбе моеѣ. Не отвѣржи мене от
лица Твоего и Духа Твоего Святаго не
отыми от мене. Воздаждь ми радость
спасѣнія Твоего и Духом Владычним ут-
верди мя. Научу беззаконныя путем Тво-
им, и нечестивии к Тебѣ обратятся. Изба-
ви мя от кровей, Бѣже, Бѣже спасѣнія мо-
его; возрадуется язык мой правде Твоеѣ.
Господи, устне мои отвѣрзеши, и уста моя
возвестят хвалу Твою. Яко аще бы восхо-
тел еси жертвы, дал бых убо: всесожже-
нія не благоволиши. Жертва Богу дух со-
крушен; сѣрдце сокрушено и смиренно
Бог не унижит. Ублажи, Господи,
благоволением Твоим Сиона, и да созѣж-
дуются стѣны Иерусалимския. Тогда бла-
говолиши жертву правды, возношеніе
и всесожигаемая; тогда возложат на ол-
тарь Твой тельцы.

Символ веры

¹Вѣрую во единого Бога Отца, Все-
держителя, Творца небу и земли, види-
мым же всем и невидимым. ²И во едина-

го Гóспода Иисýса Христá, Сы́на Бó-
жия, Единорóднаго, Ё́же от Отца́ ро-
ждéннаго прё́жде всех век; Свёта от Свё-
та, Бóга ё́стинна от Бóга ё́стинна, ро-
ждéнна, несотворéнна, единосýщна
Отцý, Ё́мже вся бы́ша. ³Нас ра́ди чело-
вёк и на́шего ра́ди спасéния сшéдшаго
с небёс, и воплотívшагося от Дýха Свя-
та и Марíи Дéвы, и вочеловéчшася.
⁴Распýтаго же за ны при Понтíйстем
Пилáте, и страда́вша, и погребéнна. ⁵И
воскрéсшаго в трéтий день по Писáни-
ем. ⁶И возшéдшаго на небеса́, и сядýща
одеснýю Отца́. ⁷И па́ки грядýщаго со
сла́вою судíти живýм и мёртвым, Егó-
же Цáрствию не бýдет конца́. ⁸И в Дýха
Свята́го, Гóспода Животворяща́го,
Ё́же от Отца́ исходя́щаго, Ё́же со От-
цём и Сы́ном спокланя́ема и ссла́вима,
глагóлавшаго проро́ки. ⁹Во еди́ну Свя-
тýю, Собóрную и Апóстольскую Цёр-
ковь. ¹⁰Исповéдую еди́но крещéние во
оставлéние грехóв. ¹¹Ча́ю воскресéния
мёртвых, ¹²и жíзни бýдущаго вéка.
Амíнь.

Молитва 1-я, св. Макария Великого

Бо́же, очисти мя грѣшнаго, яко николи́же сотвори́х благо́е пред Тобо́ю; но изба́ви мя от лука́ваго, и да бу́дет во мне во́ля Твоя́, да неосужде́нно отвѣрзу уста́ моя недостойная и восхвалю́ имя Твое́ свято́е, Отца́ и Сы́на и Свята́го Ду́ха, ны́не и прѣсно и во ве́ки веко́в. Ами́нь.

Молитва 2-я, того же святого

От сна воста́в, полунощную песнь приношу́ Ти, Спа́се, и припада́я вопию́ Ти: не даждь ми усну́ти во грехо́вней сме́рти, но ущѣдри мя, распный́ся во́лею, и лежа́щаго мя в лѣноти ускори́в возста́ви, и спаси́ мя в предстоя́нии и моли́тве, и по сие но́щнемъ возсия́й ми день безгрѣшен, Христе́ Бо́же, и спаси́ мя.

Молитва 3-я, того же святого

К Тебе, Влады́ко Человеколю́бче, от сна воста́в прибега́ю, и на дела́ Твоя́ подви́заюся милосѣ́рдием Твои́м, и молю́ся Тебе́: помози́ ми на вся́кое вре́мя, во вся́кой ве́щи, и изба́ви мя от вся́кия мирскы́я злы́я ве́щи и диа́вольскаго поспеше́-

ния, и спаси́ мя, и введи́ в Ца́рство Твое́ вѣчное. Ты бо еси́ мой Сотвори́тель и вся́кому бла́гу Промы́сленник и Пода́тель, о Тебѣ же все упова́ние мое́, и Тебѣ сла́ву возсыла́ю, ны́не и прѣсно и во вѣки веко́в. Ами́нь.

Молитва 4-я, того же святого

Го́споди, Иже мно́гою Твое́ю бла́го-стию и вели́кими щедро́тами Твои́ми дал еси́ мне, рабу́ Твоему́, мимоше́дшее вре́мя но́щи сея́ без напа́сти прейти́ от вся́каго зла проти́вна; Ты Сам, Влады́ко, вся́ческих Тво́рче, сподо́би мя и́стинным Твои́м свѣтом и просвещѣ́нным се́рдцем твори́ти во́лю Твою́, ны́не и прѣсно и во вѣки веко́в. Ами́нь.

*Молитва 5-я,
святого Василия Великого*

Го́споди Вседержи́телю, Бо́же сил и вся́кия плóти, в вы́шних живы́й и на смире́нныя призира́й, сердца́ же и утробы́ испытуй́ай и сокрове́нная челове́ков я́ве предвѣ́дый, Безнача́льный и Присносу́щный Свѣте, у Него́ же несть пре-

менѣние, илѣи преложѣния осенѣние; Сам, Безсмѣртный Царю, приими моленія наша, яже в настоящее время, на множество Твоих щедрот дерзаяще, от скверных к Тебѣ устен творим, и остави нам прегрешѣния наша, яже делом, и словом, и мыслию, ведением, илѣи неведением согрешѣнная нами; и очисти ны от всякия скверны плоти и духа. И даруй нам бодренным сердцем и трезвенною мыслию всю настоящаго житія ночь преити, ожидающим пришествія свѣтлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех приидет, комуждо отдати по делом его; да не падше и обленившеся, но бодрствующе и воздвѣжени в дѣлание обрящемся готови, в радость и Божественный чертог славы Его совнидем, идеже празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвѣщаяй и освящаяй всяческая, и Тя поет вся тварь во веки веков. Аминь.

Молитва 6-я, того же святого

Тя благословѣмъ, вѣшній Бѣже и Гѣсподи мѣлости, творѣщаго прѣсно с нами великая же и неизслѣдованная, славная же и ужасная, ихже нѣсть числа, подавшаго нам сон во упокоѣние нѣмоци нашея, и ослаблѣние трудовъ многотрудныя плѣоти. Благодарѣмъ Тя, яко не погубѣл еси нас со беззакѣнными нашими, но человеколюбовствовал еси обычно, и в нечѣянии лежащія ны воздвѣгл еси, во еже славословѣвити державу Твою. Тѣмже молимъ безмѣрную Твою благодать, просветѣ наша мѣсли, очеса, и ум наш от тяжкаго сна лѣности возстави: отвѣрзи наша уста, и испѣлни я Твоего хвалѣния, яко да возможемъ непоколеблемо пѣти же и исповѣдаться Тебѣ, во всехъ, и от всехъ славному Бѣгу, Безначальному Отцѣ, со Единороднымъ Твоѣмъ Сѣномъ, и Всесвятымъ и Благимъ и Животворящимъ Твоѣмъ Духомъ, ныне и прѣсно и во вѣки вековъ. Аминь.

**Молитва 7-я,
ко Пресвятой Богородице**

Воспеваю благодать Твою, Владычице, молю Тя, ум мой облагодати. Ступати право мя настави, путем Христовых заповедей. Бдети к песни укрепь, уныния сон отгоняючи. Связана пленницами грехопадений, мольбами Твоими разреши, Богоневесто. В ночи мя и во дни сохраняй, борющихся враг избавляючи мя. Жизнодателя Бога рождающая, умерщвлена мя страстьми оживи. Яже Свет не вечерний рождающая, душу мою ослепшую просвети. О дивная Владычня палата, дом Духа Божественна мене сотвори. Врача рождающая, уврачуй души моея многолетних страсти. Волнующаяся житейскою бурей, ко стези мя покаяния направи. Избави мя огня вечнующаго, и червья же злаго, и тартара. Да мя не явщи бесом радование, иже многим грехом повинника. Нова сотвори мя, обещавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небес-

ная ми уллучіти веселія, со всіми святѣ-
ми, сподоби. Пресвятая Дѣво, услыши
глас непотребнаго раба Твоего. Струю
давай мне слезам, Пречистая, души моя
скверну очищаючи. Стенания от сердца
приношу Ти непрестанно, усердствуй,
Владычице. Молѣбную службу мою при-
ими, и Богу благоутробному принеси.
Превышшая Ангел, мирскаго мя пре-
вышша слѣтія сотвори. Светоносная
Сѣне небесная, духовную благодать во
мне направи. Руце воздею и устне к по-
хвалению, осквернены скверною, Всене-
порочная. Душетленных мя пакостей
избави, Христа прилежно умоляючи;
Ему же честь и поклонение подобает,
ныне и присно и во веки веков. Аминь.

*Молитва 8-я,
ко Господу нашему Иисусу Христу*

Многомилостиве и Всемилостиве Боже
мой, Господи Иисусе Христе, многия ради
любве сшел и воплотился еси, яко да спа-
сеши всех. И паки, Спасе, спаси мя по
благодати, молю Тя; аще бо от дел спасе-
ши мя, несть се благодать и дар, но долг

пáче. Ей, мнóгий в щедрóтах и неизречén-
ный в мѣлости! Вѣруйяй бо в Мя, рекл есѣ,
о Христѣ мой, жив бѹдет и не ўзрит смѣр-
ти во вѣки. Аще ўбо вѣра, яже в Тя, спа-
сает отчаянныя, се вѣрую, спасѣ мя, яко
Бог мой есѣ Ты и Создатель. Вѣра же
вмѣсто дел да вменѣтся мне, Бóже мой, не
обрящещи бо дел отнѹд оправдающих
мя. Но та вѣра моя да довлѣет вмѣсто всех,
та да отвещает, та да оправдѣт мя, та да
покажет мя причастника славы Твоея
вѣчныя. Да не ўбо похѣтит мя сатана,
и похва́лится, Сло́ве, е́же отторгнути мя
от Твоея руки и ограда; но и́ли хощѹ, спа-
сѣ мя, и́ли не хощѹ, Христѣ Спа́се мой,
предварѣ скóро, скóро, погибóх: Ты бо
есѣ Бог мой от чрѣва ма́тере моея. Сподó-
би мя, Гóсподи, ны́не возлюбіти Тя, я́ко-
же возлюбѣх иногда той са́мый грех;
и па́ки порабо́тати Тебѣ без лѣности то́щ-
но, я́коже порабо́тах прѣ́жде сатанѣ
льстѣвому. Наипáче же порабо́таю Тебѣ,
Гóсподу и Бóгу моему́ Иисѹсу Христѹ, во
вся дни животá моего́, ны́не и прѣ́сно и во
вѣки веко́в. Ами́нь.

***Молитва 9-я,
к Ангелу хранителю***

Святы́й А́нгеле, предстоя́й ока́янной мо́ей ду́шѣ и стра́стной мо́ей жи́зни, не оста́ви мене́ грѣшнаго, ниже́ отступи́ от мене́ за невоздержáние моё. Не даждь мѣста лука́вому дѣмону облада́ти мно́ю насильствомъ смѣртнаго сего́ телесе́; укрепи́ бѣдствующую и худую́ мою́ ру́ку и наста́ви мя на путь спасéния. Ей, святы́й А́нгеле Бо́жий, храните́лю и покровите́лю ока́янныхъ моея́ ду́шѣ и тѣла, вся́ мне прости́, ели́кими ты оскорби́х во вся́ дни живота́ моего́, и áще что согреши́х в прешéдшую но́щь сию́, покрый́ мя в настоя́щий день, и сохрани́ мя от вся́каго иску́шения протівнаго, да ни в ко́ем гресе́ прогнѣваю́ Бо́га, и моли́ся за мя ко Го́споду, да утверди́т мя в стра́се Своёмъ, и досто́йна пока́жет мя раба́ Своея́ бла́гости. Ами́нь.

***Молитва 10-я,
ко Пресвятой Богородице***

Пресвята́я Влады́чице моя́ Богоро́дице, святы́ми Твои́ми и́-всесильными

мольба́ми отже́ни от мене́, смире́ннаго и ока́ннаго раба́ Твоего́, уны́ние, забвѣ́ние, неразу́мие, нераде́ние, и вся скве́рная, лука́вая и ху́льная помышлѣ́ния от ока́ннаго моего́ се́рдца и от помраче́ннаго ума́ моего́; и погаси́ пла́мень страсте́й мои́х, я́ко нищ есмь и ока́нен. И изба́ви мя от мно́гих и лю́тых воспомина́ний и предпри́ятий, и от всехъ де́йств злыхъ свободи́ мя. Я́ко благослове́на еси́ от всехъ родо́в, и сла́вится пречестно́е и́мя Твое́ во ве́ки веко́в. Ами́нь.

***Молитвенное призывание
святого, имя которого носишь***

Моли́ Бо́га о мне, святы́й уго́днике Бо́жий (*имя*), я́ко аз усер́дно к тебѣ прибега́ю, ско́рому помо́щнику и моли́твеннику о ду́ше моёй.

Песнь Пресвятой Богородице

Богоро́дице Де́во, ра́дуйся, Благода́тная Мари́е, Госпо́дь с Тобо́ю; благо-словѣ́на Ты в жена́х и благословѣ́н плод чре́ва Твоего́, я́ко Спа́са родила́ еси́ душ на́ших.

Тропарь Кресту и молитва за отечество

Спаси́, Го́споди, лю́ди Твоя́, и благо-
слові́ достоя́ние Твое́, побѣды на со-
проти́вныя да́руя, и Твое́ сохраня́я Кре-
сто́м Твои́м жи́тельство.

Молитва о живых

Спаси́, Го́споди, и поми́луй отца́ мо-
его́ духо́внаго (*имя*), роди́телей мои́х
(*имена*), сро́дников (*имена*), нача́льни-
ков, наста́вников, благоде́телей (*имена*)
и всех правосла́вных христиа́н.

Молитва о усопших

Упоко́й, Го́споди, ду́ши усо́пших раб
Твои́х: роди́телей мои́х, сро́дников,
благоде́телей (*имена*) и всех правосла́в-
ных христиа́н, и прости́ им вся́ согреше́-
ния во́льная и нево́льная, и да́руй им
Ца́рствие Небе́сное.

Окончание молитв

Досто́йно есть́ я́ко вои́стинну блажи́-
ти Тя Богоро́дицу, Присноблаже́нную
и Пренепоро́чную и Ма́терь Бо́га на́ше-
го. Честне́йшую Херуви́м и сла́вней-

шую без сравнёния Серафѣм, без истлѣ-
нія Бѣга Слѣва рѣждшую, сущую Бо-
горѣдицу Тя величаѣм. *

Слѣва, и ныне:

Гѣсподи, помѣлуй. (*Трижды*)

Гѣсподи Иисусе Христѣ, Сыне Бѣжий,
молѣтв рѣди Пречѣстѣя Твоеѣ Мѣтере,
преподѣбных и богонѣсных отѣц нѣших
и всех святѣх помѣлуй нас. Амѣнь.




* *От Пасхи до Вознесения вместо этой молитвы читается припев и ирмос 9-й песни пасхального канона: «Ангел вопиаше Благодѣтней: Чѣстая Дѣво, радуйся! И пакѣ рекѣ: радуйся! Твой Сын воскресѣ триднѣвен от грѣба и мѣртѣѣя воздѣвѣгнуѣѣ; людіе, веселѣтѣся!*

Светѣся, светѣся, нѣѣѣ Иерусалѣме, слѣва бо Господня на тебѣ возсѣя. Лѣкуѣ ныне и веселѣся, Сиѣне. Ты же, Чѣстая, красѣйся, Богорѣдице, о востѣнии Рождѣствѣ Твоегѣ».

Это замечание относится и к молитвам на сон грядущим.

В пасхальную седмицу вместо утренних молитв и молитв на сон грядущим читают обычно пасхальные часы (стр. 108).



МОЛИТВЫ НА СОН ГРЯДУЩИМ

Во імя Отца, и Сына, и Святаго Духа.
Амінь.

Господи Иисусе Христѣ, Сыне Божий,
моли́тв ради Пречістыя Твоея Матере,
преподобных и богоно́сных оте́ц на́ших
и всех святы́х, помілуй нас. Амінь.

Сла́ва Тебе́, Бо́же наш, сла́ва Тебе́.

Царю́ Небе́сный, Уте́шителю, Ду́ше
и́стины, И́же вездѣ сый и вся исполня́яй,
Сокро́вище благі́х и жи́зни Подателю,
прииди́ и всели́ся в ны, и очі́сти ны от
всякія скве́рны, и спаси́, Бла́же, ду́ши
на́ша.

Святы́й Бо́же, Святы́й Кре́пкий, Святы́й
Безсме́ртный, помілуй нас. (*Трижды*)

Сла́ва, и ны́не:

Пресвята́я Тро́ице, помілуй нас; Го́с-
поди, очі́сти грехи́ на́ша; Влады́ко, про-

сті беззаконія на́ша; Святы́й, посети́ и исцели́ немо́щи на́ша, и́мене Твоего́ ра́ди.

Го́споди, поми́луй. (*Трижды*)

Сла́ва, и ны́не:

О́тче наш, Иису́с еси́ на небесе́х! Да святится́ и́мя Твое́, да приидет Ца́рствие Твое́, да бу́дет во́ля Твоя́, я́ко на небеси́ и на земли́. Хлеб наш насущный даждь нам днесь; и оста́ви нам до́лги на́ша, я́коже и мы оставля́ем должнико́м на́шим; и не введи́ нас во искуше́ние, но изба́ви нас от лука́ваго.

Тропарі

Помілуй нас, Го́споди, помілуй нас; вся́каго бо отве́та недоуме́юще, сию́ Ти моли́тву я́ко Влады́це грешнии прино́сим: помілуй нас.

Сла́ва: Го́споди, помілуй нас, на Тя бо упова́хом; не прогне́вайся на ны зело́, ниже́ помяни́ беззаконіи́ на́ших, но при́зри и ны́не я́ко благоутро́бен, и изба́ви ны от враг на́ших; Ты бо еси́ Бог наш, и мы лю́дие Твой, вси дела́ руку́ Твое́ю, и и́мя Твое́ призыва́ем.

И ны́не: Милосѣрдия двѣри отвѣрзи нам, благословѣнная Богородице, наде́ющіися на Тя да не погѣбнем, но да изба́вимся Тобо́ю от бед: Ты бо еси́ спасѣние ро́да христиа́нскаго.

Го́споди, помѣлуй. (*12 раз*)

***Молитва 1-я,
св. Макария Великого, к Богу Отцу***

Бо́же вѣчный и Царю́ всякаго созда́ния, сподо́бивый мя да́же в час сей доспѣти, прости́ ми грехѣ́, я́же сотвори́х в сей день де́лом, сло́вом и помышлѣ́нием, и очисти, Го́споди, смире́нную мою́ ду́шу от всякія скве́рны плóти и ду́ха. И даждь ми, Го́споди, в но́щи сей сон прейти́ в міре, да воста́в от смире́ннаго ми ло́жа, благоугожду́ пресвято́му і́мени Твоему́, во вся дни живота́ моего́, и поперу́ борю́щия мя врагѣ́ плотскія и безплóтныя. И изба́ви мя, Го́споди, от помышлѣ́ний суетных, оскверня́ющих мя, и по́хотей лука́вых. Я́ко Твое́ есть ца́рство и си́ла и сла́ва, Отца́ и Сы́на и Свята́го Ду́ха, ны́не и прѣ́сно и во ве́ки веко́в. Ами́нь.

***Молитва 2-я, святого Антиоха,
ко Господу нашему Иисусу Христу***

Вседержителю, Слово Отчее, Сам совершен сый, Иисусе Христэ, многаго ради милосердия Твоего никогдаже отлучайся мене, раба Твоего, но всегда во мне почивай. Иисусе, добрый Пастырю Твоих овец, не предаждь мене крамолэ змийне, и желанию сатанину не остави мене, яко семя тли во мне есть. Ты убо, Господи Боже покланяемый, Царю Святый, Иисусе Христэ, спяща мя сохрани немерцающим светом, Духом Твоим Святым, Имже освятил еси Твоя ученики. Дажь, Господи, и мне, недостойному рабу Твоему, спасение Твое на ложи моем: просвети ум мой светом разума святаго Евангелия Твоего, душу любовью Креста Твоего, сердце чистотою словес Твоего, тело мое Твоею страстию безстрастною, мысль мою Твоим смирением сохрани, и воздвигни мя во время подобно на Твое славословие. Яко препрославлен еси со Безначальным Твоим Отцем и с Пресвятым Духом во веки. Аминь.

Молитва 3-я, ко Пресвятому Духу

Господи, Царю Небесный, Утешителю, Душе истины, умиласердися и помилуй мя, грешнаго раба Твоего, и отпусти ми недостойному, и прости вся, елика Ти согреших днесъ яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от нагльства и уныния. Аще именем Твоим кляхся, или похулих е в помышлении моем; или кого укорих; или оклеветах кого гневом моим, или опечалих, или о чем прогневахся; или солгах, или безгодно спях, или нищ прииде ко мне, и презрех его; или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или возвращение помыслих; или объядохся, или опихся, или без ума смеяхся; или лукавое помыслих, или доброту чуждую видев, и тою уязвлен бых сердцем; или неподобная

глаголах, или́ греху́ брата моего́ посме-
ялся, моя́ же суть безчѣсленная согрешѣ-
ния; или́ о моли́тве не радѣх, или́ и́но что
содѣях лукавое, не помню, та бо вся
и бѣльша сих содѣях. Помѣлуй мя, Твор-
че мой Владыко, унылаго и недостѣйна-
го раба Твоего́, и остави ми, и отпусти́,
и прости́ мя, яко Благ и Человеколюбец,
да с миром лягу, усну́ и почию, блудный,
грѣшный и окаянный аз, и поклоню́ся,
и воспою́, и просла́влю пречестно́е имя
Твое́, со Отцемъ, и Единороднымъ Его́
Сыномъ, ны́не и прѣсно и во вѣки. Амѣнь.

***Молитва 4-я,
святого Макария Великого***

Что Ти принесу́, или́ что Ти воздамъ,
великодаровѣтый Безсмѣртный Царю́,
щедре и Человеколюбче Господи, яко
ленящася менѣ на Твое́ угождѣние и ни-
чтоже блага сотвори́ша, привѣл еси́ на ко-
нецъ мимошедшаго дне сего́, обращѣние и
спасѣние души́ мое́й стро́я? Мѣлостив ми
буди, грѣшному и обнаженному всякаго
дѣла блага, возстави́ падшую мою́ ду́шу,
оскверни́вшуюся в безмѣрных согрешѣ-

ниих, и отымі от менé весь по́мысл лука́-
вый ви́димаго сего́ житія́. Прости́ моя
согреше́ния, еди́не Безгре́шне, я́же Ти со-
греші́х в сей день, ве́дением и невѣдени-
ем, сло́вом, и де́лом, и помышле́нием, и
все́ми мо́ими чу́вствы. Ты Сам, покры-
ва́я, сохрани́ мя от вся́каго сопроти́внаго
обстоя́ния Божѣ́ственною Твое́ю вла́с-
тию, и неизрече́нным человеколю́бием,
и си́лою. Очи́сти, Бо́же, очи́сти мно́же-
ство грехо́в мо́их. Благоволи́, Го́споди,
изба́вити мя от се́ти лука́ваго, и спаси́
стра́стную мою́ ду́шу, и осени́ мя све́том
лица́ Твоего́, егда́ при́деши во сла́ве,
и неосужде́нна ны́не сном усну́ти сотво-
ри́, и без мечта́ния, и несму́щен по́мысл
раба́ Твоего́ соблюди́, и всю сатанину́ де́-
тель отжени́ от менé, и просвети́ ми ра-
зу́мныя о́чи серде́чныя, да не усну́
в смерть. И послі́ ми А́нгела ми́рна, хра-
ни́теля и наста́вника душі́ и те́лу моему́,
да изба́вит мя от враг мо́их; да воста́в со
одрá моего́, принесу́ Ти благодарствен-
ныя мо́льбы. Ей, Го́споди, услы́ши мя,
гре́шнаго и убо́гаго раба́ Твоего́, изво-
ле́нием и со́вестію; да́руй ми воста́вшу

словесѣмъ Твоѣмъ поучѣтися, и уныніе бесѣдовское далѣче отъ менѣ отгнано быти сотвори Твоѣми Ангелы; да благословлю имя Твое святое, и прославлю, и славлю Пречистую Богородицу Марію, Юже далъ еси намъ, грѣшнымъ, заступленіе, и приими Сію молящуюся за ны; вемъ бо, яко подражаетъ Твое человеколюбіе, и молящися не престаѣтъ. Той заступленіемъ, и Честнаго Креста знаменіемъ, и всехъ святыхъ Твоихъ ради, убогую душу мою соблюди, Иисусе Христѣ Бѣже нашъ, яко Святъ еси, и препрославленъ во вѣки. Аминь.

Молитва 5-я

Господи Бѣже нашъ, еже согрѣшихъ во дни семъ словомъ, дѣломъ и помышленіемъ, яко Благъ и Человеколюбецъ прости ми. Миренъ сонъ и безмятеженъ даруй ми. Ангела Твоего хранителя послѣ, покрывающа и соблюдающа мя отъ всякаго зла, яко Ты еси хранитель душамъ и телесамъ нашимъ, и Тебѣ славу возсылаемъ, Отцу и Сыну и Святому Духу, ныне и присно и во вѣки вѣковъ. Аминь.

Молитва 6-я

Гóсподи Бóже наш, в Негóже вéрова-
хом, и Егóже íмя пáче всякаго íмене
призывáем, даждь нам, ко сну отходя-
щим, осла́бу душі́ и тéлу, и соблюди́ нас
от всякаго мечтáния, и тёмныя слáсти
кромé; устáви стремлénие страстéй, уга-
си́ разжжéния востáния телéснаго. Дажь
нам целомúдренне пожíti дéлы и словесы́;
да добродéтельное жítельство вос-
приёмлюще, обетовáнных не отпадём
благíх Тво́их, я́ко благословén еси́ во
вéки. Амíнь.

Молитва 7-я, святого Иоанна Златоуста

(24 молитвы, по числу часов дня и ночи)

¹Гóсподи, не лиш́и менé небéсных Тво-
íх благ. ²Гóсподи, избáви мя вéчных
мук. ³Гóсподи, умóм ли ил́и помышлénи-
ем, слóвом ил́и дéлом согреш́их, прости́
меня. ⁴Гóсподи, избáви мя всякаго невéде-
ния и забвénия, и малодúшия, и окаме-
нённаго нечу́вствия. ⁵Гóсподи, избáви мя
от всякаго искущénия. ⁶Гóсподи, просве-
ти́ мое сéрдце, éже помрачи́ лука́вое

похотѣние. ⁷Гóсподи, аз ѣко человек со-
грешѣх, Ты же, ѣко Бог щедр, помѣлуй
мя, видѣ немощь душѣ моея. ⁸Гóсподи,
послѣ благодать Твою в по́мощь мне, да
просла́влю ѣмя Твое́ свято́е. ⁹Гóсподи
Иисúсе Христé, напиши́ мя, раба́ Твоего́,
в кни́зе живóтней и да́руй ми конéц бла-
гѣй. ¹⁰Гóсподи Бóже мой, аще и ничтóже
блáго сотворѣх пред Тобóю, но даждь
ми по благодати Твое́й положѣти нача́-
ло благóе. ¹¹Гóсподи, окропи́ в сёрдце
моём рóсу благодати Твоея́. ¹²Гóсподи
небесé и земли́, помяни́ мя, грéшнаго
раба́ Твоего́, стúднаго и нечѣстаго, во
Цáрствии Твоём. Амѣнь.

¹Гóсподи, в покая́нии приими́ мя. ²Гóс-
поди, не оста́ви мене́. ³Гóсподи, не введи́
мене́ в напáсть. ⁴Гóсподи, даждь ми
мысль блáгу. ⁵Гóсподи, даждь ми слéзы,
и пáмять смёртную, и умилéние. ⁶Гóспо-
ди, даждь ми по́мысл исповéдания грехóв
моѣх. ⁷Гóсподи, даждь ми смире́ние, це-
ломúдрие и послуша́ние. ⁸Гóсподи, да́ждь
ми терпе́ние, великодúшие и крóтость.
⁹Гóсподи, всели́ в мя ко́рень благѣх, страх
Твой в сёрдце моё. ¹⁰Гóсподи, сподóби мя

любѣти Тя от всея души моея и помышленія и творѣти во всем волю Твою.
¹¹Господи, покрѣй мя от человекъ нѣкоторыхъ, и бесовъ, и страстей, и от всякия инья неподобныя вещи. ¹²Господи, вѣси, яко творѣши, якоже Ты волиши, да будетъ воля Твоя и во мне грѣшнемъ, яко благословенъ еси во вѣки. Аминь.

**Молитва 8-я,
ко Господу нашему Иисусу Христу**

Господи Иисусе Христѣ, Сыне Божий, ради честнѣйшия Матере Твоея, и безплотныхъ Твоихъ Ангелъ, пророка же и Предтечи и Крестителя Твоего, богоглаголивыхъ же апостолъ, свѣтлыхъ и добропобѣдныхъ мученикъ, преподобныхъ и богоносныхъ отецъ, и всехъ святыхъ молитвами, избави мя настоящаго обстоянія бесовскаго. Ей, Господи мой и Творче, не хотѣй смерти грѣшнаго, но якоже обратѣтися и живу быти ему, даждь и мне обращеніе, окаянному и недостойному; изми мя от устъ пагубнаго змѣя, зияющаго пожрѣти мя и свести во адъ жива. Ей, Господи мой,

утешѣние мое, Їже менѣ рáди окаѣннаго, в тлѣнную плóть оболкѣйся, истóргни мя от окаѣнства, и утешѣние подáждь душѣ моѣй окаѣнней. Всадѣ в сѣрдце моѣ творѣти Твоя повелѣния, и остáвити лукавая деянія, и получи́ти блажѣнства Твоя: на Тя бо, Гóсподи, упова́х, спасѣ мя.

***Молитва 9-я, ко Пресвятой
Богородице, Петра Студийского***

К Тебѣ, Пречѣстей Бóжией Мáтери, аз окаѣнный припада́я молю́ся: вѣси, Царѣ-це, я́ко безпрестáни согрешáю и прогневля́ю Сы́на Твоегó и Бóга моего́, и мно́гажды áще кáюся, лож пѣред Бóгом обрета́юся, и кáюся трепѣща: не ужéли Гóсподь поразѣт мя, и по часѣ па́ки тая́жде творю́; веду́щи сѣя, Влады́чице моя́ Госпоже́ Богорóдице, молю́, да помѣлуеши, да укрепѣши, и благáя творѣти да подáси ми. Вѣси бо, Влады́чице моя́ Богорóдице, я́ко отню́д ѣмам в нѣнависти злáя моя́ дела́, и всею́ мы́слию люблю́ закóн Бóга моего́; но не вем, Госпоже́ Пречѣстая, откúду я́же ненави́жду, та и люблю́, а благáя преступáю. Не попу́щай, Пречѣстая, во́ли моѣй

совершáтися, не угодна бо есть, но да будет во́ля Сы́на Твоего́ и Бо́га моего́: да мя спасёт, и вразумѣт, и подаст благодáть Свята́го Ду́ха, да бых аз отселе престáл скверноде́йства, и проче́е пожѣл бых в повелѣнии Сы́на Твоего́, Емуже подобáет всякая сла́ва, честь и держа́ва, со Безнача́льным Его́ Отце́м, и Пресвяты́м и Благѣм и Животворя́щим Его́ Ду́хом, ны́не и прѣсно и во ве́ки веков. Ами́нь.

***Молитва 10-я,
ко Пресвятой Богородице***

Блага́го Царя́ благáя Ма́ти, Пречи́стая и Благослове́нная Богоро́дице Мари́е, мѣлость Сы́на Твоего́ и Бо́га на́шего изле́й на стра́стную мою́ ду́шу и Твоѣми моли́твами наста́ви мя на дея́ния благáя, да проче́е вре́мя живота́ моего́ без поро́ка преѣду́ и Тобо́ю рай да обря́щу, Богоро́дице Де́во, еди́на Чи́стая и Благослове́нная.

***Молитва 11-я, ко святому
Ангелу хранителю***

А́нгеле Христо́в, храни́телю мой святы́й и покрови́телю душі́ и те́ла моего́,

вся ми прости́, елика согреши́х во днѣшний день, и от всякаго лукавствія противнаго ми врага́ изба́ви мя, да ни в ко́емже гресѣ прогнѣваю Бо́га моего́; но моли́ за мя, грѣшнаго и недостойнаго раба́, я́ко да досто́йна мя пока́жеша бла́гости и мѣлости Всесвяты́я Трѣицы и Ма́тере Го́спода моего́ Иису́са Христа́ и всех святы́х. Ами́нь.

Конда́к Богородице

Взбра́нной Воево́де победѣтельная, я́ко изба́вльшеся от злыхъ, благодарственная воспису́ем Ти раби́ Твой, Богоро́дице, но я́ко иму́щая держа́ву непобѣди́мую, от всякихъ насъ бедъ свободи́, да зове́м Ти: ра́дуйся, Невѣсто Неве́стная.

Пресла́вная При́снодево, Ма́ти Христа́ Бо́га, принеси́ на́шу моли́тву Сы́ну Твоему́ и Бо́гу на́шему, да спасѣт Тобо́ю ду́ши на́ша.

Все упова́ние мое на Тя возлага́ю, Ма́ти Бо́жия, сохрани́ мя под кро́вом Твои́м.

Богоро́дице Де́во, не презри мене́ грѣшнаго, тре́бующа Твоея́ по́мощи

и Твоего заступления, на Тя бо упова душа моя, и помилуй мя.

Молитва святого Иоаннiкiя

Упование мое Отец, прибежище мое Сын, покров мой Дух Святыи: Троице Святаа, слава Тебе.

Достоино есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Слава, и ныне:

Господи, помилуй. (*Трижды*)

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй нас. Аминь.

Молитва святого Иоанна Дамаскина

Владыко Человеколюбче, не ужели мне одр сей гроб будет, или еще окаянную мою душу просветиши днем? Се ми

гроб предлежит, се ми смерть предстоит. Судá Твоего́, Го́споди, бою́ся и му́ки безконéчныя, зло́е же творя́ не престаю́: Тебе́ Го́спода Бо́га моего́ всегда́ прогневляю́, и Пречы́стую Твою́ Ма́терь, и вся Небе́сныя síлы, и свята́го А́нгела храните́ля моего́. Вем у́бо, Го́споди, я́ко недостóин есмь человеколю́биа Твоего́, но достóин есмь всякаго осужде́ния и му́ки. Но, Го́споди, и́ли хощú, и́ли не хощú, спаси́ мя. А́ще бо пра́ведника спасе́ши, ничто́же ве́лие; и а́ще чы́стаго помíлуеши, ничто́же дíвно: достóйни бо суть мíлости Твоея́. Но на мне, грéшнем, удиви́ мíлость Твою́; о сем яви́ человеколю́бие Твое́, да не одоле́ет моя зло́ба Твое́й неизглаго́ланней бла́гости и милосе́рдию; и, я́коже хо́щеши, устро́й о мне вещь.

Просвети́ о́чи мой, Христé Бо́же, да не когда́ усну́ в смерть, да не когда́ рече́т враг мой: укрепíхся на него́.

Сла́ва: Засту́пник душы́ моея́ бу́ди, Бо́же, я́ко посреде́ хожду́ сетей мно́гих; изба́ви мя от них и спаси́ мя, Бла́же, я́ко Человеколю́бец.

И ны́не: Пресла́вную Бо́жию Ма́терь, и святы́х А́нгел Святéйшую, немóлчно воспóйм сéрдцем и усты́, Богорóдицу сию́ исповéдающе, я́ко вой́стинну рóждшую нам Бо́га воплощённа, и моля́щуюся непреста́нно о душа́х на́ших.

*Зна́менуй себя крестом и говори
молитву Честно́му Кресту:*

Да воскрéснет Бог, и расточа́тся врази́ Егó, и да бежа́т от лица́ Егó ненави́дящий Егó. Я́ко исчеза́ет дым, да исче́знут; я́ко та́ет воск от лица́ огня́, та́ко да поги́бнут бе́си от лица́ любя́щих Бо́га и зна́менующихся крéстным зна́мением, и в весéлии глаго́лющих: ра́дуйся, Пречестный и Животворя́щий Крéсте Госпóдень, прогоня́яй бе́сы си́лою на тебе́ пропя́таго Го́спода на́шего Иису́са Христа́, во ад сше́дшаго и попра́вшаго си́лу диáволю, и дарова́вшаго нам тебе́, Крест Свой Честный, на прогна́ние вся́каго супоста́та. О Пречестный и Животворя́щий Крéсте Госпóдень! Помога́й ми со Свято́ю Госпоже́ю Де́вою Богорóдицею и со все́ми святы́ми во ве́ки. Ами́нь.

Или кратко:

Оградí мя, Гóсподи, сíлою Честна́го и Животворящаго Твоегó Крестá, и сохрани́ мя от всякаго зла.

Молитва

Осла́би, оста́ви, прости́, Бо́же, прегрешéния на́ша, во́льная и нево́льная, я́же в сло́ве и в де́ле, я́же в ве́дении и не в ве́дении, я́же во дни и в но́щи, я́же во уме́ и в помышлéнии: вся нам прости́, я́ко Благ и Человеколю́бец.

Молитва

Ненави́дящих и оби́дящих нас прости́, Гóсподи Человеколю́бче. Благотворя́щим бла́госотвори. Бра́тиям и сродни́ком на́шим да́руй я́же ко спасéнию проше́ния и жизнь ве́чную. В не́мощих сущия посети́ и исцелéние да́руй. И́же на мóри упра́ви. Путешéствующим спутешéствуй. Служáщим и мýлющим нас грехóв оставлéние да́руй. Заповéдавших нам недостóйным моли́тися о них помýлуй по вели́цей Твое́й мýлости. Помяни́, Гóсподи, прéжде усо́пших оте́ц и бра́тий на́ших и упоко́й их, иде́же присещáет

свет лица Твоего. Помяни, Господи, братьев наших плененных и избави я от всякаго обстояния. Помяни, Господи, плодоносящих и добродѣлающих во святыхъ Твоихъ церквахъ, и даждь имъ яже ко спасенію прошенія и жизнь вѣчную. Помяни, Господи, и насъ, смиренныхъ и грѣшныхъ и недостойныхъ рабъ Твоихъ, и просвети нашъ умъ свѣтомъ разума Твоего, и настави насъ на стезю заповѣдей Твоихъ, молитвами Пречистой Владычицы нашей Богородицы и Приснодѣвы Маріи и всехъ Твоихъ святыхъ: яко благословенъ еси во вѣки вѣковъ. Аминь.

Исповѣдание греховъ повседневное


Исповѣдаю Тебѣ, Господу Богу моему и Творцу, во Святей Троице Единому, славному и покланяемому, Отцу и Сыну и Святому Духу, вся моя грехи, яже содѣяхъ во вся дни живота моего, и на всякій часъ, и в настоящее время, и в прешедшія дни и нощи, деломъ, словомъ, помышлениемъ, объядениемъ, пьянствомъ, тайноядениемъ, празднословіемъ, уныніемъ, лѣнностію, прекословіемъ, непослушаніемъ, оклеветаніемъ, осужденіемъ, небреженіемъ,

ем, самолюбіем, многостяжанием, хищением, неправдоглаголением, скверноприбытчеством, мшелоимством, ревнованием, завистию, гневом, памятозлوبيем, ненавистию, лихоимством и всеми моими чувствами: зрением, слухом, обонянием, вкусом, осязанием и прочими моими грехи, душевными вкупе и телесными, имиже Тебе Бóга моего и Творца прогневах, и ближняго моего онеправдовах; о сих жалея, винна себе Тебе Бóгу моему представляю, и имею волю каяться: точно, Гóсподи Бóже мой, помози ми, со слезами смиренно молю Тя; прешедшая же согрешения моя милосердием Твоим прости ми, и разреши от всех сих, яже изглаголах пред Тобóю, яко Благ и Человеколюбец.

Когда отходишь ко сну, произноси:

В руке Твои, Гóсподи Иисúсе Христé, Бóже мой, предаю дух мой: Ты же мя благослови, Ты мя помилуй и живóт вéчный даруй ми. Амíнь.





КАНОНЫ СОВМЕЩЕННЫЕ

*покаянный ко Господу Иисусу Христу,
молебный ко Пресвятой Богородице,
Ангелу хранителю*

Моли́твами святы́х оте́ц на́ших, Го́с-
поди Иису́се Христé Бо́же наш, помíлуй
нас. Ами́нь.

Царю́ Небе́сный... Трисвято́е. Пресвя-
та́я Тро́ице... О́тче наш... (*стр. 4*)

Го́споди, помíлуй. (*12 раз*)

Прииди́те, поклонíмся Царе́ви на́ше-
му Бо́гу. (*Поклон*)

Прииди́те, поклонíмся и припадéм
Христú, Царе́ви на́шему Бо́гу. (*Поклон*)

Прииди́те, поклонíмся и припадéм
Самомú Христú, Царе́ви и Бо́гу на́ше-
му. (*Поклон*)

Глас 6-й

Песнь 1

Ирмос: Яко по сѹху пешешествовав Израиль, по бѣздне стопами, гонителя фараона видя потопляема, Богу побѣдную песнь поим, вопияше.

Помилуй мя, Бѣже, помилуй мя.

Нѣне приступих аз грѣшный и обременѣнный к Тебѣ, Владыце и Богу моему; не смѣю же взира́ти на нѣбо, то́кмо молю́ся, глаго́ля: даждь ми, Го́споди, ум, да пла́чуся дел моих го́рько.

Помилуй мя, Бѣже, помилуй мя.

О, го́ре мне грѣшному! Па́че всех челове́к ока́янен есмь, покая́ния несть во мне; даждь ми, Го́споди, слѣзы, да пла́чуся дел моих го́рько.

Помилуй мя, Бѣже, помилуй мя.

Безу́мне, ока́янне челове́че, в ле́ности вре́мя губи́ши; помы́сли жити́е твоѣ, и обрати́ся ко Го́споду Бо́гу, и пла́чися о дѣлах твоих го́рько.

Пресвята́я Богоро́дице, спаси́ нас.

Богоро́дичен: Ма́ти Бѣжия Пречи́стая, воззри́ на мя грѣшнаго, и от се́ти ди́аволи изба́ви мя, и на путь покая́ния наста́ви мя, да пла́чуся дел моих го́рько.

Пресвята́я Богоро́дице, спаси́ нас.

Мно́гими содержи́мь напастьми,
к Тебе́ прибега́ю, спасе́ния искый:
о Ма́ти Сло́ва и Де́во, от тяжких и лю́-
тых мя спаси́.

Пресвята́я Богоро́дице, спаси́ нас.

Страсте́й мя смуща́ют прило́зи, мно́га-
го уны́ния испо́лнити мою́ ду́шу; умири́,
Отрокови́це, тишино́ю Сы́на и Бо́га Тво-
его́, Всенепоро́чная.

Пресвята́я Богоро́дице, спаси́ нас.

Спа́са ро́ждшую Тя и Бо́га, молю́,
Де́во, изба́виться ми лю́тых: к Тебе́ бо
ны́не прибега́я, простира́ю и ду́шу и по-
мышле́ние.

Пресвята́я Богоро́дице, спаси́ нас.

Недугующа́ те́лом и душе́ю, посеще́-
ния Божественна́го и промысле́ния от
Тебе́ сподо́би, еди́на Богома́ти, я́ко бла-
га́я, Благо́го же Родите́льница.

Го́споди Иису́се Христé Бо́же мой, поми́луй мя.*

Иисýсу: Песнь воспéти и восхвалíти,
Спа́се, Твоего́ раба́ досто́йно сподо́би,
безплóтному А́нгелу, наста́внику и хра-
ни́телю моему́.

* Тропарь Иисусу Христу только в 1-й и 9-й песнях канона.

Святы́й А́нгеле Бо́жий, храни́телю мой, моли́ Бо́га о мне.

Еди́н аз в неразу́мии и в ле́ности ны́не лежу́, наста́вниче мой и храни́телю, не оста́ви мене́, погиба́юща.

Сла́ва О́тцу и Сы́ну и Свято́му Ду́ху.

Ум мой твоёю моли́твою напра́ви, твори́ти ми Бо́жия повеле́ния, да получу́ от Бо́га отда́ние грехо́в, и ненави́дети ми злых наста́ви мя, молю́ся ти.

И ны́не и прісно и во ве́ки веко́в. Ами́нь.

Моли́ся, Деви́це, о мне, рабе́ Твоём, ко Благода́телю, со храни́телем мо́им А́нгелом, и наста́ви мя твори́ти за́поведи Сы́на Твоего́ и Творца́ моего́.

Песнь 3

Ирмо́с: Несть свят, я́коже Ты, Господи́ Бо́же мой, вознесый́ рог ве́рных Твои́х, Бла́же, и утверди́вый нас на ка́мени испове́дания Твоего́.

Помі́луй мя, Бо́же, помі́луй мя.

Внегда́ поста́влени бу́дут престόли на суди́щи стра́шнем, тогда́ всех челове́к дела́ облича́тся; го́ре та́мо бу́дет грёшным, в му́ку отсыла́емым; и то ве́дущи, душе́ моя́, пока́йся от злых дел твои́х.

Помі́луй мя, Бо́же, помі́луй мя.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

Помилуй мя, Боже, помилуй мя.

Увы мне великогрешному, иже делы и мысльми осквернився, ни капли слез имею от жестосердия; ныне возникни от земли, душе моя, и покайся от злых дел твоих.

Пресвятая Богородице, спаси нас.

Богородичен: Се, взывает, Господже, Сын Твой, и поучает нас на доброе, аз же грешный добра всегда бегаю; но Ты, Милостивая, помилуй мя, да покаюся от злых моих дел.

Пресвятая Богородице, спаси нас.

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Всепетая.

Пресвятая Богородице, спаси нас.

Молю, Дево, душевное смущение и печали моея бурю разорити: Ты бо,

Богоневѣстная, начальника тишинѣ
Христѣ родилѣ еси, еди́на Пречистая.

Пресвятѣя Богородице, спаси нас.

Благодѣтеля рождши добрыхъ виновна-
го, благодея́ния богѣтство всемъ источи́,
вся бо мо́жеши, ꙗ́ко си́льнаго в крѣпости
Христѣ рождши, Богоблаже́нная.

Пресвятѣя Богородице, спаси нас.

Лю́тыми недуги и болѣзненными стра-
стѣми́ истязѣ́ему, Дѣво, Ты ми помози́:
исцелѣ́ний бо неоску́дное Тя зна́ю сокро́-
вище, Пренепоро́чная, неизживѣ́емое.

**Святы́й Ангеле Бо́жий, хранителю мой, моли́
Бо́га о мнѣ.**

Все помышлѣ́ние моѣ́ и ду́шу мою́
къ тебѣ́ возложихъ, хранителю мой; ты от
вся́кия мя напа́сти вра́жия изба́ви.

**Святы́й Ангеле Бо́жий, хранителю мой, моли́
Бо́га о мнѣ.**

Врагъ попира́ет мя, и озлобля́ет, и по-
уча́ет всегда́ творѣ́ти своѣ́ хотѣ́ния; но
ты, наста́вниче мой, не оста́ви мене́ по-
гиба́юща.

Сла́ва О́тцу и Сы́ну и Свято́му Ду́ху.

Пе́ти песнь со благодарѣ́нием и усѣр-
диемъ Творцу́ и Бо́гу даждь ми, и тебѣ́,

благóму А́нгелу хранíteлю моемú: избáвителью мой, измí мя от враг, озлобляющих мя.

И ны́не и прíсно и во ве́ки веко́в. Ами́нь.

Исцели́, Пречíстая, моя́ многонедúж-
ныя стру́пы, яже в души́, проженí вра-
гí, íже прíсно бо́руются со мно́ю.

Конда́к Пресвятой Богородице, глас 6-й

Не íмамы ины́я по́мощи, не íмамы
ины́я наде́жды, ра́зве Тебе́, Пречíстая
Де́во. Ты нам помози́, на Тебе́ наде́ем-
ся, и Тобо́ю хва́лимся, Твой бо есмы́
раби́, да не постыди́мся.

Конда́к Ангелу хранителю, глас 4-й

Яви́ся мне милосе́рд, святы́й А́нгеле
Госпо́день, хранíteлю мой, и не отлу-
чайся от мене́ скве́рнаго, но просветí мя
свётом неприкоснове́нным и сотвори́ мя
достóйна Ца́рствия Небе́снаго.

И́кос Ангелу хранителю

Уничиже́нную ду́шу мою́ мно́гими
собла́зны, ты, святы́й предста́телю, не-
изрече́нныя сла́вы небе́сныя сподо́би,
и певе́ц с ли́ки безплóтных сил Бо́жиих,

помѣлуй мя и сохрани, и помыслы добрыми душу мою просвети, да твоєю славою, Ангеле мой, обогащуся, и низложу зломыслящихъ мне враги, и сотвори мя достойна Царствия Небеснаго.

Седален Господу Иисусу Христу, глас 6-й

Помышляю день страшный и плачуся деяний моихъ лукавыхъ: како отвещаю Безсмертному Царю, или коимъ дерзновениемъ воззрю на Судию, блудный азъ? Благоутробный Отче, Сыне Единородный и Душе Святыи, помѣлуй мя.

Слава Отцу и Сыну и Святому Духу.

Седален Ангелу хранителю, глас 2-й

От любви душевныя вопию ти, хранителю моея души, всесвятыи мой Ангеле: покрый мя и соблюди отъ лукаваго ловления всегда, и к жизни настави небесней, вразумляя и просвещая и укрепляя мя.

И ныне и присно и во веки вековъ. Аминь.

Богородичен: Богородице безневѣстная Пречистая, Яже без семени рождши всехъ Владыку, Того со Ангеломъ хранителемъ моимъ моли, избавити ми ся всякаго не-

доумѣнія, и дати умиленіе и свет души
моѣй и согрешѣніем очищеніе, Яже еди-
на вскорѣ заступающе.

Песнь 4

Ирмос: Христос моя сила, Бог и Господь, честная
Церковь боголепно поет, взывающе от смысла чиста,
о Господе празднующе.

Помилуй мя, Боже, помилуй мя.

Широк путь zde и угодный сласти творить,
но горько будет в последний день, егда
душа от тела разлучатся будет: блюди
от сих, человече, Царствия ради Божия.

Помилуй мя, Боже, помилуй мя.

Почто убогаго обидиши, мзду наемнику
удержуеши, брата твоего не любиши, блуд
и гордость гониши? Остави убо сия, душе
моя, и покайся Царствия ради Божия.

Помилуй мя, Боже, помилуй мя.

О, безумный человече, доколе углебаеши,
яко пчела, собирающе богатство
твое? Вскорѣ бо погибнет, яко прах и пепел:
но более взыщи Царствия Божия.

Пресвятая Богородице, спаси нас.

Богородичен: Господи Боже Богородице,
помилуй мя грешнаго, и в добродетели
укрепи, и соблюди мя, да наглая смерть

не похѣтитъ мя неготѣваго; и доведѣи мя,
Дѣво, Цѣрствія Бѣжія.

Пресвятѣя Богородице, спаси нас.

Страстѣй моихъ смущѣніе, кормчию
рождающая Господа, и бурю утѣши моихъ
прегрешѣній, Богоневѣстная.

Пресвятѣя Богородице, спаси нас.

Милосердія Твоего бездну призываю-
щу подаждь ми, яже Благосердаго рож-
дающая и Спаса всехъ поющихъ Тя.

Пресвятѣя Богородице, спаси нас.

Наслаждающася, Пречистая, Твоихъ
дарованій, благодарственное воспеваемъ
пѣніе, вѣдуще Тя Богоматерь.

Пресвятѣя Богородице, спаси нас.

На одрѣ болѣзни моея и немощи низ-
лежащу ми, яко Боголюбива, помози,
Богородице, единая Приснодѣво.

Пресвятѣя Богородице, спаси нас.

Надежду и утверждѣніе и спасенія
стену недвижиму имуще Тя, Всепетая,
неудобства всякаго избавляемся.

**Святѣй Ангеле Бѣжій, хранителю мой, моли
Бога о мнѣ.**

Моли Человеколѹбца Бога ты, хра-
нителю мой, и не остави мене, но присно

в міре житіе мое соблюди и подаждь ми спасение необоримое.

Святый Ангеле Божий, хранителю мой, моли Бога о мне.

Яко заступника и хранителя животу моему прием ты от Бога, Ангеле, молю ты, святый, от всяких мя бед свободи.

Слава Отцу и Сыну и Святому Духу.

Мою скверность твоєю святынею очисти, хранителю мой, и от части шуия да отлучен буду молитвами твоими и причастник славы явлюся.

И ныне и присно и во веки веков. Аминь.

Недоумение предлежит ми от обышедших мя зол, Пречистая, но избави мя от них скоро: к Тебе бо единой прибегах.

Песнь 5

Ирмос: Божиим светом Твоим, Блаже, утренюющих Ти души любовью озари, молюся, Тя ведети, Слове Божий, истиннаго Бога, от мрака греховнаго взывающа.

Помилуй мя, Боже, помилуй мя.

Вспомяни, окаянный человече, како лжам, клеветам, разбою, немощем, лютым зверем, грехов ради порабощен еси; душе моя грешная, того ли восхотела еси?

Помілуй мя, Бóже, помілуй мя.

Трепéщут ми ўди, всéми бо сотворіх
винү: очіма взира́й, ушіма слы́шай,
язы́ком злая глаго́лай, всегó себé геéнне
предай; ду́ше моя грéшная, сего́ ли
восхотéла еси́?

Помілуй мя, Бóже, помілуй мя.

Блудника́ и разбо́йника ка́ющася при-
ял еси́, Спа́се, аз же еди́н лéностию гре-
хóвною отягчѣхся и злым делóм пора-
бо́тихся; ду́ше моя грéшная, сего́ ли
восхотéла еси́?

Пресвятáя Богорóдице, спаси́ нас.

Богорóдичен: Дѣвная и скóрая помóщ-
нице всем челове́ком, Ма́ти Бóжия, по-
мози́ мне, недостóйному, ду́ша бо моя
грéшная тогó восхотé.

Пресвятáя Богорóдице, спаси́ нас.

Испóлни, Чѣстая, весéлия сéрдце моé,
Твою́ нетлénную да́ющи ра́дость, весé-
лия ро́ждшая винóвнаго.

Пресвятáя Богорóдице, спаси́ нас.

Изба́ви нас от бед, Богорóдице чѣстая,
вéчное ро́ждши избавлéние, и мир, всяк
ум преимúщий.

Пресвятая Богородице, спаси нас.

Разреши мглу прегрешений моих, Бого-
невесто, просвещением Твоея светлости,
Свет рождающая Божественный и превечный.

Пресвятая Богородице, спаси нас.

Исцели, Чистая, души моея неможё-
ние, посещения Твоего сподобляющая,
и здравие молитвами Твоими по-
даждь ми.

**Святыи Ангеле Божий, хранителю мой, моли
Бога о мне.**

Яко имея дерзновение к Богу, хранителю мой святыи, Сего умоли от оскорбляющих мя зол избавити.

**Святыи Ангеле Божий, хранителю мой, моли
Бога о мне.**

Свете светлый, светло просвети душу мою, наставниче мой и хранителю, от Бога данный ми Ангеле.

Слава Отцу и Сыну и Святому Духу.

Спяща мя зле тяготою греховною, яко бдяща сохрани, Ангеле Божий, и возстави мя на славословие молением твоим.

И ныне и присно и во веки веков. Аминь.

Марие, Госпоже Богородице безвестная, надеждо верных, вражия воз-

ношѣнія низложѣ, поющія же Тя воз-
веселѣ.

Песнь 6

Ирмос: Житейское море воздвизаемое зря напастей
бурею, к тихому пристанищу Твоему притекъ, вопию
Ти: возведи от тли живот мой, Многомилостиве.

Помилуй мя, Бóже, помилуй мя.

Житиѣ на земли блудно пожих и душу
во тьму предах, ныне убо молю Тя,
Милостивый Владыко: свободи мя от
работы сея вражия, и даждь ми разум
творити волю Твою.

Помилуй мя, Бóже, помилуй мя.

Кто творит таковая, якоже аз? Якоже бо
свиния лежит в калу, тако и аз греху служу.
Но Ты, Господи, исторгни мя от гнуса сего
и даждь ми сердце творити заповеди Твоя.

Помилуй мя, Бóже, помилуй мя.

Воспряни, окаянный челове́че, к Бóгу,
вспоманув своя согрешения, припадая
ко Творцу, слезя и стеля; Той же, яко ми-
лосерд, даст ти ум знати волю Свою.

Пресвятая Богородице, спаси нас.

Богородичен: Богородице Дѣво, от
видимаго и невидимаго зла сохрани мя,

Пречѣистая, и приими моли́твы моя́, и донеси́ я Сы́ну Твоему́, да даст ми ум тво́ри́ти во́лю Его́.

Пресвята́я Богоро́дице, спаси́ нас.

Сме́рти и тли́ я́ко спасл е́сть, Сам Ся изда́в сме́рти, тлѣ́нием и сме́ртию моё ес-тество́ я́то бѣ́вшее, Де́во, моли́ Го́спода и Сы́на Твоего́, враго́в злоде́йства мя изба́вити.

Пресвята́я Богоро́дице, спаси́ нас.

Предста́тельница Ты живо́та вем и храни́тельницу тве́рду, Де́во, и напас-тей реша́щу молвы́, и нало́ги бесо́в отгоня́юще; и молю́ся всегда́, от тли́ стра-сте́й мо́их изба́вити мя.

Пресвята́я Богоро́дице, спаси́ нас.

Я́ко стѣну́ прибе́жища стяжа́хом, и душъ всесоверше́нное спасѣ́ние, и про-стра́нство в ско́рбех, О́трокови́це, и про-свещѣ́нием Твои́м прѣ́сно ра́дуемся: о Влади́чице, и ны́не нас от страсте́й и бед спаси́.

Пресвята́я Богоро́дице, спаси́ нас.

На одре́ ны́не немо́щству́яй лежу́, и несть исцелѣ́ния плóти моёй: но, Бо́га

и Спа́са ми́ру и Изба́вителя неду́гов ро́ждающая, Тебе́ молю́ся, Благо́й: от тли неду́г возста́ви мя.

Святы́й А́нгеле Бо́жий, храните́лю мой, моли́ Бо́га о мне.

Вся́ких мя напа́стей свободи́, и от печа́лей спаси́, молю́ся ти, святы́й А́нгеле, да́нный ми от Бо́га, храните́лю мой до́брый.

Святы́й А́нгеле Бо́жий, храните́лю мой, моли́ Бо́га о мне.

Освети́ ум мой, бла́же, и просвети́ мя, молю́ся ти, святы́й А́нгеле, и мы́слити ми поле́зная всегда́ наста́ви мя.

Сла́ва Отцу́ и Сы́ну и Свято́му Ду́ху.

Уста́ви се́рдце мое от настоя́щаго мяте́жа, и бде́ти укрепи́ мя во благих, храните́лю мой, и наста́ви мя чу́дно к тиши́не живо́тней.

И ны́не и прісно и во ве́ки веко́в. Ами́нь.

Сло́во Бо́жие в Тя всели́ся, Богоро́дице, и челове́ком Тя показа́ небесную ле́ствицу: Тобо́ю бо к нам Вы́шний соше́л есть.

Конда́к Господу Иисусу Христу, глас 6-й

Душе́ моя, почто́ греха́ми богате́еши, почто́ волю́ диа́волю твори́ши, в чесо́м

надѣжду полагаеши? Престани от сих и обратися к Бóгу с плачем, зовущи: милосерде Гóсподи, помилуй мя, грешнаго.

Икос Господу Иисусу Христу

Помысли, душе моя, горький час смерти и страшный суд Творца твоего и Бóга: Ангели бо грознии поймут тя, душе, и в вечный огонь введут: убо прежде смерти покайся, вопиючи: Гóсподи, помилуй мя грешнаго.

Песнь 7

Ирмос: Росодательну убо пещь содела Ангел преподобным отроком, халдеи же опаляющее веление Бóжие, мучителя увеща вопити: благословен еси, Бóже отец наших.

Помилуй мя, Бóже, помилуй мя.

Не надѣйся, душе моя, на тленное богатство и на неправедное собрание, вся бо сия не веши кому оставиши, но возопий: помилуй мя, Христé Бóже, недостойнаго.

Помилуй мя, Бóже, помилуй мя.

Не уповай, душе моя, на телесное здравие и на скоромимоходящую красоту, видиши бо, яко сильнии и младии умирают; но возопий: помилуй мя, Христé Боже, недостойнаго.

Помілуй мя, Бóже, помілуй мя.

Воспомяні, душé моя, вéчное житіе,
Цáрство Небéсное, уготóванное святы́м,
и тьму кромéшную и гнев Бóжий злым,
и возопій: помілуй мя, Христé Бóже,
недостóйнаго.

Пресвятáя Богорóдице, спасі нас.

Богорóдичен: Припадí, душé моя, к Бó-
жией Мáтери и помолíся Той, есть бо скó-
рая помóщница кáющимся, умóлит Сýна
Христá Бóга, и помілуе́т мя недостóйнаго.

Пресвятáя Богорóдице, спасі нас.

Нáше спасéние я́коже восхотéл еси́, Спа-
се, устрóити, во утрóбу Дéвыя вселíлся
еси́, Ю́же мíру предстáтельницу показáл
еси́: отéц нáших Бóже, благословéн еси́.

Пресвятáя Богорóдице, спасі нас.

Воли́теля мíлости, Егóже родила́ еси́,
Мáти чíстая, умоли́ избáвиться от пре-
грешéний и душе́вных сквёрн вéрою зову́-
щим: отéц нáших Бóже, благословéн еси́.

Пресвятáя Богорóдице, спасі нас.

Сокрóвище спасéния и Исто́чник нетлé-
ния, Тя рóждшую, и столп утверждéния,
и дверь покая́ния, зову́щим показáл еси́:
отéц нáших Бóже, благословéн еси́.

Пресвятая Богородице, спаси нас.

Телесныя слабости и душевныя недуги, Богородительнице, любовию приступающих к крову Твоему, Дево, исцелити сподоби, Спаса Христа нам рождающая.

Святыи Ангеле Божий, хранителю мой, моли Бога о мне.

Милостив буди ми, и умоли Бога, Господень Ангеле, имею бо тя заступника во всем животѣ моем, наставника же и хранителя, от Бога дарованнаго ми во веки.

Святыи Ангеле Божий, хранителю мой, моли Бога о мне.

Не остави в путь шествующия души моея окайныя убити разбойником, святыи Ангеле, яже ти от Бога предана бысть непорочно; но настави ю на путь покаяния.

Слава Отцу и Сыну и Святому Духу.

Всю посрамлену душу мою привожду от лукавых ми помысл и дел: но предвари, наставниче мой, и исцеление ми подаждь благих помысл, уклоняти ми ся всегда на правыя стези.

И ныне и присно и во веки веков. Аминь.

Премудрости исполни всех и крепости Божественныя, Ипостасная Премудросте Вышняго, Богородицы ради, верою вопиющих: отец наших Боже, благословен еси.

Песнь 8

Ирмос: Из пламене преподобным росу источил еси и праведнаго жертву водою попалил еси: вся бо творishi, Христэ, токмо еже хотети. Тя превозносим во вся веки.

Помилуй мя, Боже, помилуй мя.

Како не имам плакаться, егда помышляю смерть, видех бо во гробе лежаща брата моего, безславна и безобразна? Что убо чаю, и на что надеюся? Токмо даждь ми, Господи, прежде конца покаяние. *(Дважды)*

Помилуй мя, Боже, помилуй мя.

Верую, яко приидеши судити живых и мертвых, и вси во своем чину станут, старии и младии, владыки и князи, девы и священницы; где обрящуся аз? Сего ради вопию: даждь ми, Господи, прежде конца покаяние.

Пресвятая Богородице, спаси нас.

Богородичен: Пречистая Богородице, приими недостойную молитву мою и со-

храни́ мя от на́глыя смёрти, и да́руй ми
пре́жде конца́ покая́ние.

Пресвята́я Богоро́дице, спаси́ нас.

По́мощи я́же от Тебе́ тре́бующия не
пре́зри, Де́во, пою́щия и превознося́щия
Тя во ве́ки.

Пресвята́я Богоро́дице, спаси́ нас.

Неможе́ние душі́ моея́ исцеля́еши
и телесны́я болёзны, Де́во, да Тя про-
сла́влю, Чи́стая, во ве́ки.

Пресвята́я Богоро́дице, спаси́ нас.

Исцелёний бога́тство изливáеши ве́р-
но пою́щим Тя, Де́во, и превознося́щим
неизрече́нное Твое́ рождество́.

Пресвята́я Богоро́дице, спаси́ нас.

Напа́стей Ты прило́ги отгоня́еши и
страсте́й нахо́ды, Де́во: те́мже Тя поём во
вся ве́ки.

**Святы́й А́нгеле Бо́жий, храни́телю мой, моли́
Бо́га о мне.**

От Бо́га по́сланный, утверди́ живо́т
мой, раба́ твоего́, преблагый А́нгеле,
и не оста́ви мене́ во ве́ки.

**Святы́й А́нгеле Бо́жий, храни́телю мой, моли́
Бо́га о мне.**

А́нгела тя су́ща бла́га, душі́ моея́ на-
ста́вника и храні́теля, преблаже́нне, вос-
пева́ю во ве́ки.

Сла́ва О́тцу и Сы́ну и Свято́му Ду́ху.

Бу́ди ми покрóв и забра́ло в день ис-
пыта́ния всех челове́к, во́ньже огне́м
искуша́ются дела́ благáя же и зла́я.

И ны́не и прі́сно и во ве́ки веко́в. Ами́нь.

Бу́ди ми помо́щница и тишина́, Богоро́-
дице Присноде́во, рабу́ Твоему́, и не оста́-
ви мене́ лиш́ена бы́ти Твоего́ влады́чества.

Песнь 9

Ирмо́с: Бо́га челове́ком невозмо́жно ви́дети, на Не-
го́же не сме́ют чи́ни А́нгельстии взира́ти; Тобо́ю же,
Всечы́стая, яви́ся челове́ком Сло́во Воплоще́нно, Его́же
велича́юще, с небе́сными во́и Тя ублажа́ем.

Помі́луй мя, Бо́же, помі́луй мя.

Ны́не к вам прибега́ю, А́нгели, Арха́нге-
ли и вся небе́сныя сі́лы, у Престо́ла Бо́жия
стоя́щи, моли́теса ко Творцу́ своему́, да
изба́вит ду́шу мою́ от му́ки ве́чныя.

Помі́луй мя, Бо́же, помі́луй мя.

Ны́не пла́чуся к вам, святі́и патриа́рси,
ца́рие и проро́цы, апо́столи и святі́телие и
вси избра́ннии Христо́вы: помози́те ми на
суде́, да спасе́т ду́шу мою́ от сі́лы вра́жия.

Помілуй мя, Бóже, помілуй мя.

Ны́не к вам воздежу́ рúце, святіи мýченицы, пусты́нницы, дéвственницы, прáведницы и вси святіи, моля́щися ко Гóсподу за весь мир, да помілуе́т мя в час смéрти моея́.

Пресвятáя Богорóдице, спасі нас.

Богорóдичен: Мáти Бóжия, помозі ми, на Тя сýльне надéющемуся, умоли́ Сы́на Своегó, да поста́вит мя недостóйнаго одесну́ю Себе́, егда́ сядет судя́й живы́х и мёртвых. Ами́нь.

Пресвятáя Богорóдице, спасі нас.

То́ка слез мо́их не отврати́ся, Я́же от вся́каго лица́ вся́ку слéзу отъёмшаго, Дéво, Христа́ рóждшая.

Пресвятáя Богорóдице, спасі нас.

Ра́дости моё сéрдце испо́лни, Дéво, Я́же ра́дости приёмшая исполне́ние, грехóвную печáль потребля́ющи.

Пресвятáя Богорóдице, спасі нас.

Приста́нище и предста́тельство к Тебе́ прибега́ющих бу́ди, Дéво, и стена́ неруши́мая, прибе́жище же и покрóв и весéлие.

Пресвятáя Богорóдице, спасі нас.

Свѣта Твоегó зарѣми просветѣ, Дѣво, мрак неведѣния отгонѣючи, благовѣрно Богорóдицу Тя исповѣдающих.

Пресвятáя Богорóдице, спасѣ нас.

На мѣсте озлоблѣния нѣмощи смирѣвшагосѣ, Дѣво, исцелѣ, из нездрáвия во здравіе претворѣючи.

Гóсподи Иисúсе Христé Бóже мой, помѣлуй мя.

Иисусу: Помѣлуй мя, едѣне Спáсе мой, ꙗко мѣлостив есѣ и милосѣрд, и прáведных ликóв сотвори мя причáстника.

Святѣй А́нгеле Бóжий, хранѣтелю мой, моли́ Бóга о мне.

Мѣслити ми прѣсно и творѣти, Госпóдень А́нгеле, благáя и полѣзная дáруй, ꙗко сѣльна явѣ в нѣмощи и непорóчна.

Слáва О́тцу и Сы́ну и Святóму Дúху.

ꙗко имѣя дерзновѣние к Царю́ Небѣсному, Тогó моли́, с прóчими безплóтными, помѣловати мя окаѣннаго.

И ны́не и прѣсно и во вѣки векóв. Амѣнь.

Мнóго дерзновѣние имúщи, Дѣво, к Воплóщшемусѣ из Тебѣ, преложѣ мя от уз и разрешѣние ми подáждь и спасѣние, моли́твами Твоѣми.

Молитва ко Господу

Владыко Христэ Бóже, Иже страстьми Своими страсти моя исцеливый и язвами Своими язвы моя уврачевавый, даруй мне, мно́го Тебе́ прегрешившему, слéзы умиления; сраствори́ моему́ тéлу от обоня́ния Животворящаго Тéла Твоего́, и наслади́ ду́шу мою́ Твоею́ Честно́ю Крóвию от гóрести, е́юже мя сопроти́вник напои́; возвы́си мой ум к Тебе́, до́лу пони́кший, и возведи́ от про́пасти по́гибели: я́ко не ймам покая́ния, не ймам умиления, не ймам слезы́ утешительныя, возводя́щая ча́да ко своему́ наслéдию. Омрачи́хся умомъ в житейскихъ страстéх, не могу́ възрети́ к Тебе́ в болéзни, не могу́ согрети́ся слезáми, я́же к Тебе́ любвé. Но, Влады́ко Гóсподи Иисýсе Христэ, сокрови́ще благихъ, даруй мне покая́ние всецелое и сёрдце люботрудное во взыскáние Твое́, даруй мне благодáть Твою́ и обнови́ во мне зра́ки Твоего́ о́браза. Оста́вих Тя, не оста́ви мене́; изы́ди на взыскáние моё, возведи́ к пáжити Твое́й и сопричти́ мя овца́м избрáннаго Твоего́ ста́да, воспита́й мя с нými от злáка Божéственных

Твои́х Та́инств, моли́твами Пречи́стыя Твоея́ Ма́тере и всех святы́х Твои́х. Ами́нь.

Молитва ко Пресвятой Богородице


Цари́це моя́ преблагая, наде́ждо моя́ Богоро́дице, приятелище си́рых и стра́нных предста́тельнице, скорбя́щих ра́дос-те, оби́димых покрови́тельнице! Зри́ши мою́ беду́, зри́ши мою́ скорбь, помози́ ми́ я́ко немо́щну, окорми́ мя я́ко стра́нна. Оби́ду мою́ ве́си, разреши́ ту, я́ко во́лиши: я́ко не й́мам ины́я по́мощи ра́зве Тебе́, ни ины́я предста́тельницы, ни бла́гия утёшительницы, то́кмо Тебе́, о Богома́ти, я́ко да сохрани́ши мя и покрые́ши во ве́ки веко́в. Ами́нь.

Молитва Ангелу хранителю

А́нгеле Христо́в святы́й, к тебе́ припа́дая молю́ся, храни́телю мой святы́й, прида́нный мне на соблюде́ние души́ и те́лу моему́ грéшному от свята́го креще́ния, аз же свое́ю ле́ностию и своимъ злымъ обы́чаем прогне́вах твою́ пречи́стую свéт-лость и отгна́х тя от себе́ все́ми стúдными де́лы: лжа́ми, клеветáми, за́вистию,

осуждѣнием, презѡрством, непоко́рством, братоненавидѣнием и злопомнѣнием, сребролю́бием, прелюбоде́янiем, я́ростию, ску́постию, объядѣнием без сы́тости и опíвством, многоглаго́ланием, злы́ми по́мыслы и лука́выми, го́рдым обы́чаем и блудным возбешѣнием, имы́й самохотѣ́ние на всякое плотско́е вожделѣ́ние. О, зло́е мое́ произволѣ́ние, егѡ́же и ско́ти безсловѣ́снии не творят! Да ка́ко возмо́жеши воззрѣ́ти на мя, илѣ́и приступи́ти ко мне, а́ки псу смердя́щему? Кото́рыма очѣ́ма, А́нгеле Христо́в, воззри́ши на мя, оплѣ́тшася зле во гну́сных дѣ́лех? Да ка́ко уже́ возмо́гу отпу́щения проси́ти го́рьким и злым мо́им и лука́вым де́янием, в нѣ́же впадаю́ по вся дни и но́щи и на всяк час? Но молю́ся ти припа́дая, храните́лю мой святы́й, умилосе́рдися на мя грѣ́шнаго и недостѡ́йнаго раба́ твоегѡ́ (*имя*), бу́ди ми помо́щник и засту́пник на зла́го моего́ сопроти́вника, святы́ми тво́ими моли́твами, и Ца́рствия Бо́жия прича́стника мя сотвори́ со все́ми святы́ми, всегда́, и ны́не, и прѣ́сно, и во ве́ки веко́в. Ами́нь.





ПОСЛЕДОВАНИЕ КО СВЯТОМУ ПРИЧАЩЕНИЮ

Молѣтвами святѣхъ отѣцъ на́шихъ, Гóсподи Иисýсе Христѣ Бóже нашъ, помѣлуй насъ. Амѣнь.

Царю́ Небѣсный... Трисвятóе. Пресвятáя Трóице... Óтче нашъ... (*стр. 4*)

Гóсподи, помѣлуй. (*12 разъ*)

Приидѣте, поклонѣмся Царѣви на́шему Бóгу. (*Поклонъ*)

Приидѣте, поклонѣмся и припадѣмъ Христý, Царѣви на́шему Бóгу. (*Поклонъ*)

Приидѣте, поклонѣмся и припадѣмъ Самомý Христý, Царѣви и Бóгу на́шему. (*Поклонъ*)

Псаломъ 22

Госпóдь пасѣтъ мя, и ничтóже мя лишѣтъ. На мѣсте злáчне, тáмо вселѣ́ мя, на

водѣ покойне воспита́ мя. Ду́шу мою́ обрати́, наста́ви мя на стези́ пра́вды, ѿме-не ра́ди Своего́. Аще бо и пойду́ посреде́ сѣни смѣртныя, не убою́ся зла, ꙗко Ты со мно́ю еси́, жезл Твой и па́лица Твоя́, та мя утѣшиста. Угото́вал еси́ предо мно́ю трапѣзу сопроти́в стужа́ющим мне, ума́стил еси́ еле́ом главу́ мою́, и ча́ша Твоя́ упоява́ющи мя, ꙗко держа́вна. И ми́лость Твоя́ поженѣтъ мя вся дни живота́ моего́, и еже вселѣ́ти ми ся в дом Господень, в долготу́ дней.

Псалом 23

Господня́ земля, и исполне́ние ея́, вселѣ́нная и вси живу́щии на ней. Той на моряхъ основа́л ю́ есть, и на рекахъ уго́товал ю́ есть. Кто взы́дет на го́ру Господню́? Или́ кто ста́нет на мѣсте святе́м Его́? Неповѣ́нен рука́ма и чист се́рдцем, ѿже не приѣ́тъ все́у ду́шу свою́ и не кля́тся ле́стїю ѿскренне́му своему́. Сей при́имет благослове́ние от Го́спода, и ми́лостыню от Бо́га, Спа́са своего́. Сей род ѿ́щущих Го́спода, ѿ́щущих лице́ Бо́га Иа́ковля. Возми́те врата́ кня́зи ва́ша, и возми́теся

вратá вѣчная, и внідет Царь славы. Кто есть сей Царь славы? Господь крепок и силен, Господь силен в брани. Возмите вратá князи ваша, и возмѣтесь вратá вѣчная, и внідет Царь славы. Кто есть Сей Царь славы? Господь сил, Той есть Царь славы.

Псалом 115

Вѣровахъ, тѣмже возглаголахъ, аз же смирихся зело. Аз же рех во изступлении моемъ: всякъ человекъ ложь. Что воздамъ Господеву о всехъ, яже воздаде ми? Чашу спасения прииму и имя Господне призову, молитвы моя Господеву воздамъ предъ всеми людьми Его. Честна предъ Господомъ смерть преподобныхъ Его. О Господи, аз рабъ Твой, аз рабъ Твой и сынъ рабыни Твоея; растерзалъ еси узы моя. Тебѣ пожру жертву хвалы, и во имя Господне призову. Молитвы моя Господеву воздамъ предъ всеми людьми Его, во дворахъ дому Господня, посреде тебѣ, Иерусалиме.

Слава, и ныне:

Аллилуиа. (Трижды) И три поклона.

Тропарі, глас 8-й

Беззаконія моя прѣзри, Гóсподи, от Дѣвы рождѣйся, и сѣрдце моѣ очисти, храм то творя пречистому Твоему Тѣлу и Крóви, ниже отрѣни мене от Твоего лица, без числа имѣяй вѣлию мѣлость.

Слава: Во причастіе святынь Твоихъ како дерзну́, недостóйный? Аще бо дерзну́ к Тебѣ приступіти с достóйными, хитѣн мя обличаетъ, яко несть вечерній, и осуждѣніе исходатайствую многогрѣшной души́ мое́й. Очисти, Гóсподи, скверну души́ мое́я, и спаси́ мя, яко Человеколюбецъ.

И ны́не: Мнóгая мнóжества мо́ихъ, Богорóдице, прегрѣшѣній, к Тебѣ прибегóхъ, Чистая, спасѣнія трѣбуя: посети́ немощствующую мою́ дýшу, и моли́ Сына Твоего́ и Бóга нашего, дати ми оставлѣніе, яже содѣяхъ лю́тыхъ, еди́на Благословѣнная.

[Во святую же Четыредесятницу:]

Егда́ славнии ученицы́ на умовѣнии вѣчері просвѣщáхуся, тогда́ Иúда злочестьивый сребролюбіемъ недúговавъ омра-

ча́шеся, и беззако́нным судия́м Тебе́, пра́веднаго Судию́, предаёт. Виждь, имё-
ний рачи́телю, сих ра́ди удавлéние упот-
ребивша: бежи́ несы́тыя душй́, Учи́телю
такова́я дерзну́вша. И́же о всех благй́й
Го́споди, сла́ва Тебе́.]

И псалом 50: Помилуй мя Бóже... (стр. 7)

Канон, глас 2-й

Песнь 1

Ирмо́с: Грядите, лю́дие, пойм песнь Христу́ Бо́гу,
раздélyшему мо́ре, и наста́вльшему лю́ди, я́же изведе́
из рабо́ты египетския, я́ко просла́вился.

Сéрдце чи́сто сози́жди во мне, Бо́же, и дух прав
обнови́ во утробе моéй.

Хлеб живота́ вéчнующаго да бу́дет ми
Тéло Твоё́ Святóе, благоутрóбне Го́спо-
ди, и честна́я Кро́вь, и недúг многооб-
ра́зных исцелéние.

Не отвéржи мене́ от лица́ Твоего́, и Ду́ха Твоего́
Свята́го не отыми́ от мене́.

Осквернё́н де́лы безме́стными окаян-
ный, Твоего́ Пречи́стаго Тéла и Божé-
ственныя Кро́ве недостóин есмь, Христé,
причащéния, егóже мя сподóби.

Пресвятая Богородице, спаси нас.

Земле́ благая, благословенная Бого-
невесто, клас прозябшая неоранный
и спасительный миру, сподоби мя сей
ядуща спастися.

Песнь 3

Ирмос: На камени мя веры утвердив, расширил еси
уста моя на враги моя. Возвесели бо ся дух мой, вне-
гда пети: несть свят, якоже Бог наш, и несть правед-
ден паче Тебе, Господи.

Сердце чисто созижди во мне, Боже, и дух прав
обнови во утробе моей.

Слезныя ми подаждь, Христэ, капли,
скверну сердца моего очищающия: яко
да благою совестью очищен, верою
прихожду и страхом, Владыко, ко
причащению Божественных даров
Твоих.

Не отвержи мене от лица Твоего, и Духа Твоего
Святого не отыми от мене.

Во оставление да будет ми прегрешен-
ний Пречистое Тело Твое, и Божествен-
ная Кровь, Духа же Святого общение, и
в жизнь вечную, Человеколюбче, и стра-
стей и скорбей отчуждение.

Пресвятая Богородице, спаси нас.

Хлѣба живѣтнаго Трапѣза Пресвятая, свѣше мѣлости рѣди сшѣдшаго, и мѣрови нѣвый живѣт даѣущаго, и менѣ нѣне сподѣби недостѣйнаго, со стрѣхом вкуси́ти сегѣ, и жи́ву бѣ́ти.

Песнь 4

Ирмос: Пришѣл еси́ от Дѣвы, не ходѣтай, ни Ангел, но Сам, Гѣсподи, вопло́щься, и спасл еси́ всегѣ мя чело́века. Тем зовѣ Ти: сла́ва си́ле Твое́й, Гѣсподи.

Сѣрдце чѣсто созѣжди во мне, Бѣже, и дух прав обнови́ во утрѣбе мое́й.

Восхотѣл еси́, нас рѣди вопло́щься, Многомѣлостиве, заклѣн бѣ́ти я́ко овча́, грех рѣди чело́вѣческих; тѣмже молю́ Тя: и моя́ очѣисти согрѣшѣ́ния.

Не отвѣржи менѣ от лица́ Твоегѣ, и Ду́ха Твоегѣ Свята́го не отыми́ от менѣ.

Исцели́ души́ моея́ язвы, Гѣсподи, и всегѣ освяти́, и сподѣби, Влады́ко, я́ко да причащѣ́ся та́йныя Твоея́ Божѣ́ственныя вѣ́чери, ока́янный.

Пресвятая Богородице, спаси́ нас.

Умѣлостиви и мне Су́щаго от утрѣбы Твоея́, Влады́чице, и соблюди́ мя несквѣ́рна раба́ Твоегѣ и непоро́чна, я́ко да приѣ́м у́мнаго бѣ́сера, освящѣ́ся.

Песнь 5

Ирмос: Свѣта подателю и веков Творче, Господи, во свѣте Твоих повелений настави нас: разве бо Тебѣ иного бога не знаем.

Сердце чисто созижди во мне, Боже, и дух прав обнови во утробе моей.

Якоже предрекл еси, Христѣ, да будет убо худому рабу Твоему, и во мне пребуди, якоже обещался еси: се бо Тѣло Твое ям Божественное, и пью Кровь Твою.

Не отвержи мене от лица Твоего, и Духа Твоего Святаго не отыми от мене.

Слове Божий и Боже, угль Тѣла Твоего да будет мне помраченному в просвѣщение, и очищение оскверненной души моей Кровь Твоя.

Пресвятая Богородице, спаси нас.

Маріе, Мати Божия, благоуханія честное селение, Твоими молитвами сосуд мя избранный содейлай, яко да освященный причащуся Сына Твоего.

Песнь 6

Ирмос: В бездне греховней валяясь, неизследную милосердія Твоего призываю бездну: от тли, Боже, мя возведи.

Сéрдце чéсто созíжди во мне, Бóже, и дух прав обнóви во утрóбе моéй.

**Ум, дúшу и сéрдце освятí, Спáсе, и тéло моé, и сподóби неосуждénно, Влады́ко, к стра́шным Та́йнам присту-
пíти.**

Не отве́ржи мене́ от лица́ Твоего́, и Ду́ха Твоего́ Свята́го не отымí от мене́.

Да бых устрани́лся от страсте́й, и Твоея́ благода́ти имéл бы приложéние, животá же утверждéние, причащéнием Святы́х, Христé, Та́ин Твои́х.

Пресвята́я Богоро́дице, спасí нас.

**Бóжие, Бóже, Сло́во Святóе, всегó мя освятí, ны́не приходя́щаго к Божéствен-
ным Твои́м Та́йнам, Святы́я Ма́тере Твоея́ мо́льба́ми.**

Конда́к, глас 2-й

**Хлеб, Христé, взýти не прéзри мя, Тéло Твоé, и Божéственную Твою́ ны́не Кро́вь, пречы́стых, Влады́ко, и стра́ш-
ных Твои́х Та́ин причастíтися ока́нна-
го, да не бýдет ми в суд, да бýдет же ми в живóт вéчный и безсме́ртный.**

Песнь 7

Ирмос: Тѣлу златому премудрыя дѣти не послуживша, и в пламень сами поидоша, и боги их обругаша, среди пламене возопиша, и ороси я Ангел: услышася уже уст ваших молитва.

Сердце чисто созижди во мне, Боже, и дух прав обнови во утробе моей.

Источник благих, причащение, Христе, безсмертных Твоих ныне Таинств да будет ми свет, и живот, и безстрастие, и к преспеянию же и умножению добродетели Божественнейшия ходатайственно, еди́не Блаже, яко да славлю Тя.

Не отвержи мене от лица Твоего, и Духа Твоего Святаго не отыми от мене.

Да избавлюся от страстей, и врагов, и нужды, и всякия скорби, трепетом и любовью со благоговением, Человеколюбче, приступаяй ныне к Твоим безсмертным и Божественным Тайнам, и пѣти Тебѣ сподоби: благословен еси, Господи, Боже отец наших.

Пресвятая Богородице, спаси нас.

Спаса Христа рождающая паче ума, Богоблагодатная, молю Тя ныне, раб Твой, Чистую нечистый: хотящаго мя

ны́не к пречы́стым Та́йнам присту́пѣти,
очы́сти всегó от сквѣ́рны плóти и дýха.

Песнь 8

Ирмós: В пещь о́гненную ко отроко́м евре́йским
снизше́дшаго, и пла́мень в рóсу прелóжшаго Бóга, по́й-
те дела́ яко Гóспода, и превозно́сите во вся вѣ́ки.

Сѣ́рдце чы́сто созы́жди во мне, Бóже, и дух прав
обнови́ во утрóбе моéй.

Небѣ́сных, и стра́шных, и Святыхъ Тво-
ихъ, Христé, ны́не Та́ин, и Божѣ́ственныхя
Твоея́ и та́йныя вѣ́чери о́бщника бы́ти
и менé сподóби отча́яннаго, Бóже Спа́-
се мо́й.

Не отвѣ́ржи менé от лица́ Твоегó, и Дýха Твоегó
Свята́го не отымѣ́ от менé.

Под Твое́ прибѣ́г благоутрóбие, Бла́же,
со стра́хом зову́ Ти: во мне пребу́ди, Спа́-
се, и аз, яко́же рекл есѣ́, в Тебѣ́; се бо дер-
за́я на мѣ́лость Твою́, ям Тѣ́ло Твое́,
и пию́ Кро́вь Твою́.

Пресвята́я Тро́ице, Бóже наш, сла́ва Тебѣ́.

Тро́ицен: Трепéщу, приѣ́мля огонь, да
не опалю́ся яко́ воск и яко́ трава́; о́ле
стра́шнаго та́инства! о́ле благоутрóбия
Бóжия! Ка́ко Божѣ́ственнаго Тѣ́ла и

Крѡве брѣние причащаюся, и нетлѣнен
сотворяюся?

Песнь 9

Ирмос: Безначальна Родителя Сын, Бог и Господь,
воплоться от Дѣвы нам явися, омраченна просвети-
ти, обрати расточенная: тем всепетую Богородицу
величаем.

Сердце чисто созижди во мне, Боже, и дух прав
обнови во утробе моей.

Христос есть, вкусите и видите: Гос-
подь нас ради, по нам бо древле бывый,
единою Себе принеся, яко приношение
Отцу Своему, присно закалается, освя-
щаяй причащающихся.

Не отвержи мене от лица Твоего, и Духа Твоего
Святого не отыми от мене.

Душею и телом да освящуся, Владыко,
да просвещуся, да спасуся, да буду дом
Твой причащением священным Таин,
живущаго Тя имея в себе со Отцем
и Духом, Благодетелю Многомилостиве.

Воздаждь ми радость Спасения Твоего и Духом
Владычним утверди мя.

Якоже огонь да будет ми, и яко свет,
Тело Твое и Кровь, Спасе мой, пречест-
ная, опаляя греховное вещество, сжигая

же страстей терние, и всего мя просвещая, поклоняйся Божеству Твоему.

Пресвятая Богородице, спаси нас.

Бог воплотися от чистых кровей Твоих; темже всякий род поет Тя, Владычице, умная же множества славят, яко Тобою яве узреша всеми Владычествующаго, осуществовавшагося человечеством.

Достойно есть... (стр. 19)

Трисвятое. Пресвятая Троице... Отче наш... (стр. 4)

Тропарь дня, или праздника. Если неделя, тропарь воскресный по гласу. Если же нет, настоящие тропари, глас 6-й:

Помилуй нас, Господи, помилуй нас; всякаго бо ответа недоумеюще, сию Ти молитву, яко Владыце, грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших. Ты бо еси Бог наш, и мы люди Твой, вси дела руку Твоею, и имя Твое призываем.

И ны́не: Милосе́рдия двéри отве́рзи нам, благослове́нная Богоро́дице, наде́ющийся на Тя да не поги́бнем, но да изба́вимся Тобо́ю от бед: Ты бо еси́ спасе́ние ро́да христиа́нского.

Го́споди, помíлуй. (40 раз) *И поклоны сколько хочешь.*

И стихи:

Хотя́ ясти, челове́че, Те́ло Влады́чне,
Стра́хом присту́пи, да не опа́лишия:
огнь бо есть.

Божество́нную же пия́ Кро́вь ко общ́ению,
Пе́рвое прими́рися тя опеча́лившим.
Та́же дерза́я, та́инственное бра́шно яждь.

Пре́жде прича́стия стра́шныя же́ртвы,
Животворя́щаго Те́ла Влады́чня,
Сим помо́лися о́бразом со трéпетом:

Молитва св. Василия Великого, 1-я

Влады́ко Го́споди Иису́се Христé, Бо́же наш, Исто́чниче жи́зни и безсме́ртia, всея́ тва́ри ви́димыя и неви́димыя Сodéтелю, безнача́льнаго Отца́ соприсносу́щный Сы́не и собезнача́льный, премно́гия ра́ди бла́гости в послéдния дни в плоть оболкíйся, и распный́ся, и погребы́йся за ны, неблагода́рныя и злонра́вныя, и Твое́ю

крóвию обновíвый растлѣвшее грехóм ес-
тество нáше, Сам, Безсмѣртный Царю,
приими́ и мое грѣшнаго покая́ние, и при-
клони́ у́хо Твое́ мне, и услы́ши глаго́лы
моя́. Согреши́х бо, Гóсподи, согреши́х на
не́бо и пред Тобо́ю, и несмы́ досто́ин воз-
зрѣти на высотú сла́вы Твоея́: прогнѣвах
бо Твою́ бла́гость, Твоя́ за́поведи престу-
пíв, и не послу́шав Твои́х повелѣний. Но
Ты, Гóсподи, незлóбив сый, долготерпе-
лив же и многомíлостив, не прѣдал еси́ мя
поги́бнути со беззакóнными мои́ми, моего́
всячески ожида́я обращѣния. Ты бо рекл
еси́, Человеколю́бче, проро́ком Твои́м:
яко хотѣнием не хо́щю смѣрти грѣшника,
но е́же обратíтися и жи́ву бы́ти ему́. Не
хо́щеши бо, Влады́ко, создáния Твое́ю
рукú погубíти, ниже́ благоволи́ши о по-
ги́бели челове́честей, но хо́щеши всем
спастíся, и в рáзум íстины приитí. Тѣм-
же и аз, áще и недостóин есмь небесé и зем-
ли́, и сея́ приврѣменныя жи́зни, всего́ себе́
повину́в греху́, и сла́тѣм порабо́тив,
и Твой оскверни́в о́браз; но творѣние
и создáние Твое́ быв, не отчаява́ю своего́
спасѣния, ока́янный, на Твое́ же безмѣрное

благоутрѣбие дерзая, прихожду. Приими́ убо и мене́, Человеколю́бче Го́споди, я́коже блудни́цу, я́ко разбо́йника, я́ко мыта́ря и я́ко блу́днаго, и возьми́ моё тяжкое брёмя грехо́в, грех взёмляй ми́ра, и немо́щи челове́ческия исцеля́й, тружда́ющияся и обременённые к Себе́ призыва́й и упокоева́й, не прише́дый призва́ти пра́ведныя, но грёшныя на покая́ние. И очисти́ мя от вся́кия скве́рны плоти́ и ду́ха, и научи́ мя соверша́ти святы́ню во стра́се Твоём: я́ко да чи́стым све́дением со́вести моея́, святы́нь Твои́х часть приё́мля, соединю́ся свято́му Тёлу Твоему́ и Кро́ви, и имёю Тебе́ во мне живу́ща и пребы́вающа, со Отце́м, и Святы́м Твои́м Ду́хом. Ей, Го́споди Иису́се Христё, Бо́же мой, и да не в суд ми бу́дет прича́стие пречи́стых и животворя́щих Таи́н Твои́х, ниже́ да немо́щен бу́ду душе́ю же и тёлom, от е́же недостой́не тем причаща́тися, но даждь ми, да́же до конёчнаго моего́ издыха́ния, неосуждённо восприима́ти часть святы́нь Твои́х, в Ду́ха Свята́го общёние, в напу́тие живота́ вёчнаго, и во благоприя́тен отве́т на Стра́шнем суди́щи Твоём: я́ко да и аз со

всѣми избранными Твоими общник буду
нетленных Твоих благ, яже уготовал еси
любящим Тя, Господи, в нихже препрос-
лавлен еси во веки. Аминь.

Молитва св. Иоанна Златоустого, 2-я

Господи Боже мой, вем, яко несмы до-
стоин, ниже доволен, да под кров вниде-
ши храма души моея, занеже весь пуст
и пался есть, и не имаши во мне места
достойна еже главу поклонити; но яко-
же с высоты нас ради смирил еси Себе,
смирися и ныне смирению моему, и яко-
же восприял еси в вертепе и в яслех без-
словесных возлещ, сие восприими
и в яслех бессловесная моея души, и во
оскверненное мое тело внити. И якоже не
неудостоил еси внити и свечеряти со
грешники в дому Симона прокаженного,
так изволи внити и в дом смиренныя
моея души, прокаженные и грешныя;
и якоже не отринул еси подобную мне
блудницу и грешную, пришедшую и при-
коснувшуюся Тебе, сие умиосердися и
о мне, грешнем, приходящем и прикаса-
ющем Ти ся; и якоже не возгнушался еси
скверных ея уст и нечистых, целующих

Тя, ниже мо́их возгнуша́йся скве́рнших
о́ныя уст и нечи́стших, ниже ме́рзких
мо́их и нечи́стых усте́н, и скве́рнаго
и нечи́стейшаго моего́ язы́ка. Но да бу́дет
ми уго́ль пресвята́го Твоего́ Те́ла, и чест-
ны́я Твоея́ Кро́ве, во освяще́ние и про-
свеще́ние и здра́вие смире́нней мое́й
души́ и те́лу, во облегче́ние тяжестей мно́-
гих мо́их согреше́ний, в соблюде́ние от
всякаго диа́вольскаго де́йства, во отгна́-
ние и возбране́ние зла́го моего́ и лука́ва-
го обы́чая, во умерщвле́ние страсте́й,
в снабде́ние за́поведей Твои́х, в приложе́-
ние Боже́ственныя Твоея́ благода́ти
и Твоего́ Ца́рствия присвое́ние. Не бо я́ко
презира́яй прихожду́ к Тебе́, Христэ́
Бо́же, но я́ко дерза́я на неизрече́нную
Твою́ бла́гость, и да не на мно́зе удаля́яй-
ся общ́ения Твоего́, от мы́сленнаго во́лка
звероуловле́н бу́ду. Те́мже молю́ся Тебе́:
я́ко еди́н сый Свят, Влады́ко, освяти́ мою́
ду́шу и те́ло, ум и се́рдце, чревеса́ и утробы́,
и все́го мя обновí, и вкорени́ страх
Твой во удесе́х мо́их, и освяще́ние Твое́
неотъе́млемо от мене́ сотвори́; и бу́ди ми
помо́щник и заступник, окормля́я в ми́ре

живот мой, сподобляя мя и одесную Тебе предстояния со святыми Твоими, молитвами и молениями Пречистыя Твоея Матере, невещественных Твоих служителей и пречистых сил, и всех святых, от века Тебе благоугодивших. Аминь.

Молитва Симеона Метафраста, 3-я

Едине чистый и нетленный Господи, за неизреченную милость человеколюбия наше все восприимый смешение, от чистых и девственных кровей паче естества Рождшия Тя, Духа Божественнаго нашеством и благоволением Отца присносущнаго, Христэ Иисусе, премудросте Божия, и мире, и силе; Твоим восприятием животворящая и спасительная страдания восприимый, крест, гвоздя, копие, смерть, умертвие моя душетленная страсти телесныя. Погребением Твоим адава пленивый царствия, погребие моя благими помыслы лукавая советования и лукавствия духи разорие. Тридневным Твоим и животоносным воскресением падшаго праотца возставивый, возстави мя, грехом поползшагося, образы мне покаяния предлагая. Преславленным Твоим вознесением

плотскóе обожівый воспрія́тие и сие́ дес-
ны́м Отца́ седéнием почты́й, сподóби мя
прича́стием Святы́х Твои́х Та́ин десну́ю
ча́сть спаса́емых получи́ти. Сні́тием Уте́-
шителя Твоегó Дúха сосúды чéстны свя-
щенны́я Твоя́ ученикí содéлавый, прия́те-
лище и менé покаж́и Тогó прише́ствия.
Хотя́й па́ки прии́ти суди́ти вселénней
пра́вдою, благоволи́ и мне усрэ́сти Тя на
óблацех, Судию́ и Созда́теля моего́, со все́-
ми святы́ми Твои́ми: да безконéчно сла-
вослóвлю и воспева́ю Тя, со безнача́льным
Твои́м Отце́м и Пресвяты́м и Благíм
и Животворя́щим Твои́м Дúхом, ны́не
и прі́сно и во ве́ки веко́в. Ами́нь.

Молитва св. Иоанна Дамаскина́, 4-я

Влады́ко Го́споди Иису́се Христé Бо́же
наш, еди́не имéяй власть челове́ком ос-
тавля́ти грехи́, я́ко благ и Человеколю́-
бец прэ́зри моя́ вся в вéдении и не в вé-
дении прегрешéния, и сподóби мя нео-
суждénно причасті́тися Божéственным, и
пресла́вных, и пречі́стых, и животно-
рящих Твои́х Та́ин, не в тя́жесть, ни
в му́ку, ни в приложéние грехо́в, но во
очищéние, и освящéние, и обручéние

бúдущаго животá и Цáрствiя, в стéну и пóмощь, и в возражéние сопротивных, во истреблéние мнóгих мо́их согрешéний. Ты бо еси́ Бог мiлости, и щедрóт, и человеколóбiя, и Тебé сла́ву возсыла́ем, со Отцём и Святы́м Дúхом, ны́не и прiсно и во вéки векóв. Амiнь.

Молитва св. Василия Великого, 5-я

Вем, Гóсподи, я́ко недостóйне причаща́юся пречiстаго Твоегó Тéла и честны́я Твоея́ Крóве, и повiнен есмь, и суд себé ям и пию́, не разсужда́я Тéла и Крóве Тебé, Христá и Бóга моего́, но на щедрóты Твоя́ дерзая́, прихождú к Тебé, рéкшему: яды́й Мою́ Плоть и пия́й Мою́ Кровь, во Мне пребывáет, и Аз в нем. Умилосéрдися úбо, Гóсподи, и не обличи́ мя, грéшнаго, но сотвори́ со мно́ю по мiлости Твое́й; и да бúдут ми святáя сия́ во исцелéние, и очищéние, и просвещéние, и сохранéние, и спасéние, и во освящéние душi и тéла; во отгнáние всякаго мечтáния, и лука́ваго дея́ния, и дéйства диáвольскаго, мýсленне во удесéх мо́их дéйствуемаго, в дерзновéние и любóвь, я́же к Тебé; во исправлéние жития́ и утверждéние, в возвращéние

добродѣтели и совершенства, во исполненіе заповедей, в Духа Святаго общеніе, в напутіе живота вѣчнаго, во отвѣтъ благопріятен на Страшнем судищи Твоѣм: не в суд или во осужденіе.

***Молитва св. Симеона Нового
Богослова, 6-я***

От скверныхъ устенъ, от мерзкаго сердца, от нечистаго языка, от душъ осквернены, приими моленіе, Христѣ мой, и не презри моихъ ни словесъ, ниже образовъ, ниже безстудія. Дажь ми дерзновенно глаголати, яже хочу, Христѣ мой, паче же и научи мя, что ми подобаетъ творити и глаголати. Согрешихъ паче блудницы, яже увѣде, где обитаеши, міро купивши, прииде дерзостно помазати Твой ноге, Бога моего, Владыки и Христа моего. Якоже ону не отринул еси пришедшую от сердца, ниже мене возгнушайся, Слове: Твой же ми подаждь ноге, и держати и целовати, и струями слезными, яко многоценнымъ міромъ, сія дерзостно помазати. Омый мя слезами моими, очисти мя ими, Слове. Остави и прегрешенія моя,

и прощѣние ми подаждь. Вѣси зол
мнѡжество, вѣси и стрѹпы моя, и язвы
зрѣши моя, но и вѣру вѣси, и произво-
лѣние зрѣши, и воздыханіе слѣшиши.
Не тайтся Тебѣ, Бѡже мой, Творче мой,
Избавителю мой, ниже капля слѣзная,
ниже капли часть некая. Несодѣланное
моѣ видесте ѡчи Твоѣ, в кнѣзе же Твоѣй
и ещѣ несодѣянная написана Тебѣ суть.
Виждь смиреніе моѣ, виждь труд мой
елик, и грехѣи вся остави ми, Бѡже вся-
ческих: да чѣстым сѣрдцем, притрѣпет-
ною мѣслию и душѣю сокрушенною
несквѣрных Твоѣхъ причащѹся и пресвя-
тыхъ Таинъ, ѣмиже оживляется и обожа-
ется всякъ ядый же и пій чѣстым сѣрд-
цем; Ты бо рекл еси, Владыко мой: всякъ
ядый Мою Плоть и пій Мою Кровь,
во Мнѣ ѹбо сей пребываетъ, в немъ же и Аз
есмь. Истинно слово всяко Владыки и
Бѡга моего: Божественныхъ бо прича-
щайся и Боготворящихъ благодатей, не
ѹбо есмь едѣнъ, но с Тобѡю, Христѣ мой,
Свѣтомъ трисѡлнечнымъ, просвѣщающимъ
миръ. Да ѹбо не едѣнъ пребуду кромѣ
Тебѣ, Живодавца, дыханія моего, жи-

вотá моего, ра́дования моего, спасéния мíру. Сего́ ра́ди к Тебé приступíх, я́коже зрíши, со слезáми, и душе́ю сокруше́нною, избавлéния мо́их прегрешéний прошú при́яти ми и Тво́их живода́тельных и непоро́чных Та́инств причастíтися неосуждéнно, да пребу́деши, я́коже рекл еси́, со мно́ю треока́йным; да не кроме́ обрёт мя Твоея́ благода́ти, прелéстник восхíтит мя льстíвне, и прельстíв отведёт Боготворя́щих Тво́их словéс. Сего́ ра́ди к Тебé припа́даю и тёпле вопи́ю Ти: я́коже блúднаго при́ял еси́ и блудни́цу пришéдшую, та́ко приими́ мя, блúднаго и сквёрнаго, Щéдре. Душе́ю сокруше́нною ны́не бо к Тебé приходя́, вем, Спа́се, я́ко инýй, я́коже аз, не прегрешí Тебé, ниже́ содёя дея́ния, я́же аз содёях. Но сие́ па́ки вем, я́ко не вели́чество прегрешéний, ни грехóв мно́жество превосхóдит Бо́га моего́ мно́гое долготерпéние и человеколю́бие крайнее; но мýлостию состра́стия тёпле ка́ющияся, и чýстиши, и свéтлиши, и свéта твори́ши причáстники, óбщники Божества́ Твоего́ содёловаяй незавíстно, и стрáнное и А́нгелом, и челове́ческим

мы́слем, бесе́дуеши им мно́гажды, я́коже друго́м Твои́м и́стинным. Сия́ де́рзостна творя́т мя, сия́ вперя́ют мя, Христе́ мой. И дерза́я Твои́м богаты́м к нам благоде́янием, ра́дуясь вкúпе и трепе́ща, огне́ви причаща́юся травá сый, и стра́нно чу́до, ороша́емь неопáльно, я́коже у́бо купина́ дрéвле неопáльне горя́щи. Ны́не благода́рною мы́слию, благода́рным же се́рдцем, благода́рными удесы́ мои́ми, душі́ и те́ла моего́, покланя́юся и велича́ю, и славосло́влю Тя, Бо́же мой, я́ко благослове́нна су́ща, ны́не же и во ве́ки.

Молитва св. Иоанна Златоустого, 7-я

Бо́же, осла́би, оста́ви, прости́ ми согрешéния моя́, ели́ка Ти согреши́х, а́ще сло́вом, а́ще де́лом, а́ще помышле́нием, во́лею или́ нево́лею, ра́зумом или́ неразу́мием, вся ми прости́ я́ко благ и Человеколю́бец, и моли́твами Пречи́стыя Твоея́ Ма́тере, у́мных Твои́х служите́лей и святы́х сил, и всех святы́х, от ве́ка Тебе́ благоугоди́вших, неосужде́нно благоволи́ прияти ми свято́е и пречи́стое Твое́ Те́ло и честну́ю Кровь, во исцеле́ние душі́ же и те́ла, и во очище́ние лука́вых мои́х помышле́ний. Я́ко Твое́

есть Ца́рство и си́ла и сла́ва, со Отце́м и Святы́м Ду́хом, ны́не и прѣсно и во ве́ки веко́в. Ами́нь.

Молитва 8-я, того же святого

Несмь дово́лен, Влады́ко Го́споди, да вни́деши под кров душі́ моея; но понéже хощеши Ты, я́ко Человеколю́бец, жи́ти во мне, дерза́я присту́паю; повелева́еши, да отве́рзу двери, я́же Ты еди́н созда́л еси́, и вни́деши со человеколю́бием я́коже еси́, вни́деши и просвеща́еши помраче́нный мой по́мысл. Ве́рую, я́ко сие́ сотвори́ши: не бо блудни́цу, со слеза́ми прише́дшую к Тебе́, отгна́л еси́; ниже́ мытаря́ отве́ргл еси́ пока́явшася; ниже́ разбо́йника, позна́вша Ца́рство Твое́, отгна́л еси́; ниже́ гони́теля пока́явшася оста́вил еси́, е́же бе: но от пока́яния Тебе́ прише́дшия вся, в ли́це Твои́х друго́в вчини́л еси́, Еди́н сый благослове́нный всегда́, ны́не и в безконече́ныя ве́ки. Ами́нь.

Молитва 9-я, того же святого

Го́споди Иису́се Христé, Бо́же мой, осла́би, оста́ви, очисти́ и прости́ ми, грѣшно́му, и непотре́бному, и недосто́йному рабу́

Твоему́ прегрешѣнія, и согрешѣнія, и грехопадѣнія моя, елика Ти от юности моея, да́же до настоящаго дне и часа́ согрѣшихъ: а́ще в ра́зуме и в неразу́мii, а́ще в словесѣхъ или́ дѣлехъ, или́ помышлѣнiiхъ и мы́слехъ, и начинáнiiхъ, и всехъ моихъ чу́вствахъ. И моли́твами безсе́менно ро́ждшия Тя, Пречи́стыя и Приснодѣвы Марíи, Мáтере Твоея́, еди́ныя непосты́дныя наде́жды, и предста́тельства, и спасѣ́нія моего́, сподо́би мя неосуждѣ́нно причастíтися пречи́стыхъ, безсмѣ́ртныхъ, животворя́щихъ и стра́шныхъ Твои́хъ Та́инствъ, во оставлѣ́ние грехо́в и в жизнь вѣ́чную: во освящѣ́ние и просвещѣ́ние, крѣ́пость, исцелѣ́ние, и здра́вие душі́ же и тѣ́ла, и в потреблѣ́ние, и всесовершѣ́нное погублѣ́ние лука́вых моихъ помысло́в, и помышлѣ́нiiхъ, и предприя́тiiхъ, и нощны́х мечтáнiiхъ, тѣ́мныхъ и лука́вых духо́в. Я́ко Твое́ есть ца́рство, и си́ла, и сла́ва, и честь, и поклонѣ́ние, со Отцѣ́м и Святы́м Твои́м Ду́хом, ны́не и прíсно и во вѣ́ки веко́в. Амíнь.

Молитва св. Иоанна Дамаскина́, 10-я

Пред двѣ́рьми хра́ма Твоего́ предстою́ и лю́тых помышлѣ́нiiхъ не отступа́ю; но

Ты, Христѣ Бóже, мытаря оправдѣвый, и хананѣю помѣловавый, и разбóйнику рая двѣри отвѣрзый, отвѣрзи ми утрóбы челоуеколю́бія Твоегó и приими́ мя, приходѣща и прикаса́ющася Тебѣ, ꙗко блудни́цу и кровото́чивую: óва ўбо кра́я рѣзы Твоея́ косну́вшись, удо́бь исцелѣ́ние приѣтъ, óва же пречѣ́стѣи Твоѣ́ нóзе удержа́вши, разреше́ние грехóв понесе́. Аз же, окая́нный, все Твое́ Тѣло дерза́я восприѣ́ти, да не опале́н бѣ́ду; но приими́ мя, ꙗкоже о́ныя, и просвети́ моя́ душе́вныя чу́вства, попаля́я моя́ грехóвныя вины́, моли́твами безсе́менно Рóждшия Тя, и Небе́сных сил; ꙗко благослове́н еси́ во ве́ки веко́в. Ами́нь.

Молитва св. Иоанна Златоустого

Вѣрую, Гóсподи, и испове́дую, ꙗко Ты еси́ вои́стинну Христóс, Сын Бóга жива́го, прише́дый в мир грѣшны́я спасти́, от нѣхже пѣрвый есмь аз. Ещѣ вѣрую, ꙗко сѣ́е есть са́мое пречѣ́стное Тѣло Твое́, и сѣ́я есть са́мая честна́я Кро́вь Твоя́. Молю́ся ўбо Тебѣ: поми́луй мя и прости́ ми прегреше́ния моя́, во́льная и нево́льная, ꙗже сло́вом, ꙗже де́лом, ꙗже ве́дением и неве́дением,

и сподоби мя неосуждённо причаститься пречистых Твоих Таинств, во оставление грехов и в жизнь вечную. Аминь.

Приходя же причаститься, произноси мысленно эти стихи святого Симеона Метафраста:

Се приступаю к Божественному Причащению.

Содетелю, да не опалиши мя приобщением:

Огнь бо еси, недостойныя поpalяяй.

Но убо очисти мя от всякия скверны.

Затем:

Вечери Твоея тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоём.

И стихи:

Боготворящую Кровь ужаснися, человече, зря,

Огнь бо есть, недостойныя поpalяяй.

Божественное Тело и обожает мя и питает:

Обожает дух, ум же питает странно.

Потом тропарь:

Усладил мя еси любовью, Христэ, и изменил мя еси Божественным Твоим рачением; но попали огнём невестственным грехи моя, и насытитися еже в Тебе

наслаждѣнія сподоби: да ликую возвеличаю, Блаже, два пришествия Твоя.

Во свѣтлостех Святых Твоих како вниду, недостойный? Аще бо дерзну совнѣти в чертог, одежда мя обличает, яко несть брачна, и связан извержен буду от Ангелов. Очисти, Господи, скверну души моея, и спаси мя, яко Человеколюбец.

Также молитву:

Владыко Человеколюбче, Господи Иисусе Христѣ Божѣ мой, да не в суд ми будут Святая сия, за еже недостойну ми быти: но во очищение и освящение души же и тела, и во обручение будущия жизни и царствия. Мне же, еже прилепятся Богу, благо есть, полагати во Господѣ упование спасения моего.

И еще:


Вѣчери Твоея тайныя днесъ, Сыне Божий, причастника мя приими; не бо врагом Твоим тайну повѣм, ни лобзанія Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

Желающий причаститься должен достойно подготовиться к этому Святому Таинству. Подготовка эта (в церковной практике она называется говением) продолжается несколько дней и касается как телесной, так и духовной жизни человека. Телу предписывается воздержание, то есть телесная чистота и ограничение в пище (пост). Ум не должен рассеиваться по мелочам житейским и развлекаться.

В дни говения, если позволяют обстоятельства, надлежит посещать богослужения в храме и более прилежно выполнять домашнее молитвенное правило. Накануне причащения надо быть на вечернем богослужении и прочитать дома, кроме обычных молитв на сон грядущим, канон покаянный ко Господу, молебный ко Пресвятой Богородице, канон Ангелу хранителю и по усердию – акафист Иисусу Сладчайшему.

Прочитывается также последование ко Святому Причащению – канон вечером, а остальное последование вслед за утренними молитвами. После полуночи уже не едят и не пьют, ибо принято приступать к Святой Чаше натощак.

Накануне вечером или утром, перед литургией, необходимо исповедаться.



БЛАГОДАРСТВЕННЫЕ МОЛИТВЫ ПО СВЯТОМ ПРИЧАЩЕНИИ

Сла́ва Тебе́, Бо́же. Сла́ва Тебе́, Бо́же.
Сла́ва Тебе́, Бо́же.

Благодарственная молитва, 1-я

Благодарю́ Тя, Го́споди Бо́же мой, я́ко не отрёнул мя еси́, грёшнаго, но о́бщника мя бы́ти святы́нь Твои́х сподо́бил еси́. Благодарю́ Тя, я́ко мене́, недостóйнаго, причастíтся пречíстых Твои́х и небёс-ных Дарóв сподо́бил еси́. Но Влады́ко Человеколю́бче, нас ра́ди уме́рый же и воскресы́й, и дарова́вый нам стра́шная сия́ и животворя́щая Та́инства, во благо-дея́ние и освяще́ние душ и теле́с на́ших, даждь бы́ти сим и мне во исцеле́ние душы́ же и те́ла, во отгна́ние всякаго сопроти́внаго, в просвеще́ние о́чию се́рдца моего́,

в мир душевных моих сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественных Твоея благодати, и Твоего Царствия присвоение: да во святыни Твоей теми сохраняемь, Твоею благодать поминаю всегда, и не ктому себе живу, но Тебе, нашему Владыце и благодетелю; и тако сего жития изшед о надежди живота вечнаго, в присносущный достигну покой, идеже празднующих глас непрестанный и безконечная сладость, зрящих Твоего лица доброту неизреченную. Ты бо еси истинное желание и неизреченное веселие любящих Тя, Христэ Боже наш, и Тя поёт вся тварь во веки. Аминь.

Молитва св. Василия Великого, 2-я

Владыко Христэ Боже, Царю веков и Содетелю всех, благодарю Тя о всех, яже ми еси подал благих, и о причащении пречистых и животворящих Твоих Таинств. Молю убо Тя, Блаже и Человеколюбче: сохрани мя под кровом Твоим и в сени крилу Твоею; и даруй ми чистою

совестию, даже до послѣдняго моего издыханія, достойно причащатися святѣи Твоихъ, во оставленіе греховъ и в жизнь вѣчную. Ты бо еси хлебъ животный, источникъ святѣи, Подательъ благихъ, и Тебѣ славу возсылаемъ, со Отцемъ и Святѣмъ Духомъ, нынѣ и присно и во вѣки вековъ. Аминь.

Молитва Симеона Метафраста, 3-я

Давый пищу мне плоть Твою волею, огонь сый и опаляй недостойныя, да не опалиши мене, Содетелю мой; паче же пройди во уды моя, во вся составы, во утробу, в сердце. Попали терние всехъ моихъ прегрешений. Душу очисти, освятить помышления. Составы утверди с костми вкупе. Чувствъ просвети простую пятерицу. Всего мя спригвозди страху Твоему. Присно покрый, соблюди же, и сохрани мя от всякаго дела и слова душетленнаго. Очисти, и омый, и украси мя, удобри, вразуми, и просвети мя. Покажи мя Твое селение единого Духа, и не кому селение греха. Да яко Твоего дому, входомъ причащения, яко огня мене бежитъ всякъ злодей, всяка страсть. Молитвенники Тебѣ приношу вся святѣя, чинонача-

лия же безплóтных, Предт́ечу Твоегó, премúдрыя апóстолы, к сим же Твою́ несквѣрную чýстую Мáтерь, íхже мольб́ы благоутрóбне приими́, Христé мой, и сы́ном свѣта содѣлай Твоегó служ́ителя. Ты бо еси́ освящ́ение и ед́иный на́ших, Бла́же, душ и свѣтлость; и Тебѣ лепоподóбно, я́ко Бóгу и Влады́це, сла́ву вси возсыла́ем на всяк день.

Молитва 4-я

Тѣло Твое́ святóе, Гóсподи Иисýсе Христé Бóже наш, да б́удет ми в живóт вѣчный, и Кровь Твоя́ честна́я во оставл́ение грехóв; б́уди же ми благодарѣ́ние сие́ в ра́дость, здра́вие и весѣлие; в стра́шное же и второ́е приш́ествие Твое́ сподóби мя грѣшнаго ста́ти одесну́ю сла́вы Твоея́, моли́твами Пречы́стыя Твоея́ Мáтере, и всех святы́х.

Молитва 5-я, ко Пресвятой Богородице

Пресвята́я Влады́чице Богоро́дице, свѣте помрач́енныя моея́ душ́и, надѣждо, покрóве, прибѣ́жище, утеш́ение, ра́дование моё, благодарю́ Тя, я́ко

сподóбила мя есѣ, недостóйнаго, причáстника бѣти пречѣстаго Тѣла и честнѣя Крóве Сына Твоегó. Но рóждшая ѣстинный Свет, просветѣ моя ѹмныя óчи сѣрдца; Яже истóчник безсмѣртia рóждшая, оживотвори мя, умерщвлѣннаго грехóм; Яже мѣлостиваго Бóга любоблагоутрóбная Мáти, помѣлуй мя, и даждь ми умилѣние, и сокрушѣние в сѣрдце моём, и смиреніе в мѣслех моих, и воззвáние в 'плєніиих помышлѣній моих; и сподóби мя, до послѣдняго издыхáния, неосуждѣнно приимáти пречѣстных Тáин освящѣние, во исцелѣние душѣ же и тѣла. И подаждь ми слѣзы покаянія и исповѣданія, во ѣже пѣти и слáвити Тя во вся дни животá моего, я́ко благословѣнна и препрослáвленна есѣ во вѣки. Амѣнь.

Нѣне отпущáеши рабá Твоегó, Владѣ́ко, по глагóлу Твоемú с мѣром: я́ко вѣдеста óчи мой спасѣние Твое, ѣже еси уготóвал пред лицѣм всех людѣй, свет во откровѣние язы́ков и слáву людѣй Твоѣх Изра́иля.

Святы́й Бо́же, Святы́й Кре́пкий, Святы́й
Безсме́ртный, поми́луй нас. (*Трижды*)

Сла́ва, и ны́не:

Пресвята́я Тро́ице, поми́луй нас; Го́с-
поди, очисти́ грехи́ на́ша; Влады́ко,
прости́ беззако́ния на́ша; Святы́й, посе-
ти́ и исцели́ немо́щи на́ша, и́мене Твое-
го́ ра́ди.

Го́споди, поми́луй. (*Трижды*)

Сла́ва, и ны́не:

О́тче наш, Иису́се еси́ на небесе́х! Да
святится́ и́мя Твое́, да приидет Ца́рствие
Твое́, да бу́дет во́ля Твоя́, я́ко на небеси́
и на земли́. Хлеб наш насущный да́ждь
нам днесь; и оста́ви нам до́лги на́ша, я́ко-
же и мы оста́вляем должнико́м на́шим; и
не введи́ нас во искуше́ние, но изба́ви нас
от лука́ваго.

*Если совершалась литургия
св. Иоанна Златоустого, читается
тропа́рь св. Иоанну Златоустому, глас 8-й*

Уст твои́х, я́коже све́тлость огня́, воз-
сия́вши благода́ть, вселе́нную просвети́;
не сребролю́бия ми́рови сокро́вища
сниска́, высоту́ нам смиренномудрия́

показа́, но твои́ми словесы́ наказу́я, о́тче Ио́анне Златоу́сте, моли́ Сло́ва Христа́ Бо́га спасты́ся душа́м на́шим.

Конда́к, глас 6-й

Сла́ва: От небесъ прия́л еси́ Божество́вную благода́ть, и твои́ми устна́ми вся учи́ши покланя́тися в Тро́ице Еди́ному Бо́гу, Ио́анне Златоу́сте всеблаже́нне, преподо́бне, досто́йно хва́лим тя: еси́ бо наста́вник, я́ко Божество́вная явля́я.

Богоро́дичен

И ны́не: Предста́тельство христиа́н непосты́дное, ходата́йство ко Творцу́ непрело́жное, не прэ́зри грешных моле́ний гла́сы, но предва́ри, я́ко Благо́я, на по́мощь нас, ве́рно зову́щих Ти: ускори́ на моли́тву и потщи́ся на умоле́ние, предста́тельствующи при́сно, Богоро́дице, чту́щих Тя.

*Если совершалась литургия
св. Василия Великого, читается*

тропа́рь св. Василию Великому, глас 1-й

Во всю зе́млю изы́де веща́ние твоё, я́ко прие́мшую сло́во твоё, имже боголе́пно

научи́л еси́, естество́ су́щих уясни́л еси́,
челове́ческия обы́чай украси́л еси́, ца́рское
свяще́ние, о́тче преподо́бне, моли́ Христа́
Бо́га, спасти́ся душа́м на́шим.

Конда́к, глас 4-й

Сла́ва: Яви́лся еси́ основа́ние непо-
колеби́мое Це́ркве, пода́я всем некра́до-
мое госпо́дство челове́ком, запечатле́я
твои́ми велёньми, небоявле́нне Васи́лие
преподо́бне.

И ны́не: Предста́тельство христиа́н
непосты́дное... (стр. 105)

Если совершалась литургия

*Преждеосвященных Даров, читается
тропа́рь св. Григорию Двоеслову, глас 4-й*

И́же от Бо́га свы́ше Божество́нную
благодать восприе́м, сла́вне Григо́рие,
и Того́ си́лою укрепля́емь, ева́нгельски
ше́ствовати изво́лил еси́, отону́дуже
у Христа́ возме́дие трудо́в при́ял еси́,
всеблаже́нне: Егóже моли́, да спасёт
ду́ши на́ша.

Конда́к, глас 3-й

Сла́ва: Подобонача́льник показа́лся
еси́ Нача́льника па́стырем Христа́, ино-

ков чреды́, о́тче Григо́рие, ко о́граде небесней наставля́я, и отту́ду научи́л еси́ ста́до Христо́во за́поведем Его́: ны́не же с ни́ми ра́дуешися, и лику́еши в небесных крóвех.

И ны́не: Предста́тельство христиа́н непосты́дное... (*стр. 105*)

Го́споди, помѝлуй. (*12 раз*)

Сла́ва, и ны́не:

Честне́йшую Херувѝм и сла́внейшую без сравне́ния Серафѝм, без ислѣ́ния Бо́га Сло́ва ро́ждшую, су́щую Богоро́дицу Тя велича́ем.

После причащения да пребывает каждый в чистоте, воздержании и немногословии, чтобы достойно сохранить в себе Христа принятого.



ЧАСЫ СВЯТОЙ ПАСХИ И ВСЕЙ СВЕТОЙ СЕДМИЦЫ

Христос воскрес из мертвых, смертию смерть поправ, и сущим во гробех живот даровав. (*Трижды*)

Воскресение Христово видевше, поклонимся святому Господу Иисусу, единому безгрешному. Кресту Твоему поклоняемся, Христэ, и святое воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приидите вси вернии, поклонимся святому Христову воскресению: се бо прииде Крестом радость всему миру. Всегда благословяще Господа, поем воскресение Его: распятие бо претерпев, смертию смерть разруши. (*Трижды*)

Предваривши утро яже о Марии и обретши камень отвален от гроба, слышаху от ангела: во свете присносущнем Сущаго, с мертвыми что ищете яко человека? Видите гробные пелены: тецйте и миру проповедите, яко воста Господь, умертвивый смерть, яко есть Сын Бога, спасающего род человеческий.

Аще и во гроб снизшел еси, Безсмертне, но адову разрушил еси силу, и воскресл еси яко победитель, Христэ Бóже, женам миронóсицам вещáвый: радуйтеся, и Твоим апóстолом мир дáруй, падшим подай воскресение.

Во грóбе плóтски, во áде же с душею, яко Бог, в рай же с разбóйником, и на престóле был еси, Христэ, со Отцém и Дúхом, вся исполняяй, неопíсанный.

Слáва: Яко живонóсец, яко рая краснейший, войстинну и чертóга всякаго царскаго показáся светлэйший, Христэ, гроб Твой, истóчник нашего воскресения.

И ныне: Вышняго освященное Божественное селение, радуйся: Тобою бо дадеся радость, Богорóдице, зовущим: благословена Ты в женах еси, Всенепорóчная Владычице.


Гóсподи, помíлуй. (40 раз)

Слáва и ныне:

Честнейшую Херувím ... (стр. 107)

Молíтвами святых отец наших, Гóсподи Иисúсе Христэ Бóже наш, помíлуй нас. Амíнь.

Христóс воскресе... (Трижды) Слáва, и ныне: Гóсподи, помíлуй. (Трижды)



ПАСХАЛЬНЫЙ КАНОН

(творение Иоанна Дамаскина), глас 1-й

Песнь 1

Ирмос: Воскресения день, просветимся, людие: Пасха, Господня Пасха! От смерти бо к жизни, и от земли к небеси, Христос Бог нас преведе, победную поюция.

Христос воскресе из мертвых.

Очистим чувства, и узрим неприступным светом воскресения Христа блистающая, и радуйтесь рекуща, ясно да услышим, победную поюще.

Христос воскресе из мертвых.

Небеса убо достойно да веселятся, земля же да радуется, да празднует же мир, видимый же весь и невидимый: Христос бо воста, веселие вечное.

Пресвятая Богородице, спаси нас.

*Богородичны**: Умерщвления предел сломила еси, вечную жизнь рождшая Хри-

*Богородичны (творение господина Феофана и господина Иосифа) читаются со второго дня Пасхи.

ста́, из грóба возсіявшаго днесь, Дéво Всенепорóчная, и мир просветівшаго.

Пресвятáя Богорóдице, спаси́ нас.

Воскрéсшаго вѣдевши Сы́на Твоегó и Бóга, ра́дуйся со апóстола, Богоблагодáтная Чѣстая: и е́же ра́дуйся пѣрвее, я́ко всех ра́дости вина́, восприя́ла еси́, Богома́ти Всенепорóчная.

Песнь 3

Ирмо́с: Прииді́те, пѣво пи́ем но́вое, не от ка́мене непло́дна чудодѣемое, но нетлѣ́ния исто́чник, из грóба одождѣ́вша Христа́, в Нёмже утвержда́емся.

Христóс воскресе́ из мёртвых.

Ны́не вся испóлнишася свѣ́та, не́бо же и землѣ́ и преиспо́дняя: да прáзднует у́бо вся тварь воста́ние Христóво, в нёмже утвержда́ется.

Христóс воскресе́ из мёртвых.

Вчера́ спогребóхся Тебѣ́, Христé, сово́стаю́ днесь воскрéсшу Тебѣ́, сраспина́хся Тебѣ́ вчера́, Сам мя спросла́ви, Спа́се, во Ца́рствии Твоём.

Пресвятáя Богорóдице, спаси́ нас.

Богорóдичны: На нетлѣ́нную жизнь прихо́жду днесь, бла́гостию Ро́ждшаго-

ся из Тебѣ, Чѣстая, и всем концѣм свет облиста́вшего.

Пресвятая Богородице, спаси нас.

Бо́га, Егѡже родила еси плѡтию, из мѣртвых, я́коже рече, воста́вша ви́девши, Чѣстая, лику́й, и Сегѡ я́ко Бо́га, Пречѣстая, возвелича́й.

Инако́й, глас 4-й

Предварѣ́вша у́тро я́же о Марѣи и обрѣ́тшия ка́мень отвалѣн от грѡба, слы́шаху от а́нгела: во свѣте присносу́щнем Су́щаго, с мѣртвыми что и́щете я́ко челове́ка? Ви́дите грѡбны́я пелены́: тецы́те и мѣру проповѣ́дите, я́ко воста́ Господь, умертвѣ́вый смерть, я́ко есть Сын Бо́га, спаса́ющаго род челове́ческий.

Песнь 4

Ирмо́с: На божѣственной стра́жи Богоглаго́ливый Авваку́м да ста́нет с на́ми, и пока́жет светно́сна А́нгела, я́сно глаго́люща: днесь спасѣ́ние мѣру, я́ко воскресе Христо́с, я́ко всеси́лен.

Христо́с воскресе из мѣртвых.

Му́жеский у́бо пол, я́ко развѣ́рзый дѣвственную утробу́, яви́ся Христо́с: я́ко человек же, А́гнец нарече́ся: непоро́чен же,

яко невку́сен скве́рны, на́ша Па́сха, и яко Бог ѱти́нен, соверше́н рече́ся.

Христос воскресе из мертвых.

Яко единолётный агнец, благословенный нам венец Христос, волею за всех заклан бысть, Пасха очистительная, и паки из гроба красное правды нам возсия Солнце.

Христос воскресе из мертвых.

Богоотец убо Давид пред сенным ковчегом скакаше играя, людие же Божии святии, образов сбытие зряще, веселимся божественно, яко воскресе Христос, яко всесильен.

Пресвятая Богородице, спаси нас.

Богородичны: Создавый Адама, Твоего праотца, Чистая, зиждется от Тебе, и смертное жилище разорит Своєю смертию днесь, и озарит вся божественными блистаньями воскресения.

Пресвятая Богородице, спаси нас.

Егоже родила еси Христа, прекрасно из мертвых возсиявша, Чистая, зрящи, добрая и непорочная в женах и красная, днесь во спасение всех, со апостолы радующися, Того прославляй.

Песнь 5

Ирмос: Утренюем утреннюю глубокую, и вместо мира песнь принесем Владыце, и Христа узрим правды Солнце, всем жизнь возсияющая.

Христос воскрес из мертвых.

Безмерное Твое благоутробие, адовыми узами содержи мии зряще, к свету идя ху, Христэ, веселыми ногами, Пасху хваляще вечную.

Христос воскрес из мертвых.

Приступим священоснии, исходящу Христу из гроба яко жениху, и спразднуем любопразднственными чинми Пасху Божию спасительную.

Пресвятая Богородице, спаси нас.

Богородичны: Просвещается божественными лучами и живоносными воскресения Сына Твоего, Богомати Пречистая, и радости исполняется благочестивых собрание.

Пресвятая Богородице, спаси нас.

Не разверзл еси врата девства в воплощении, гроба не разрушил еси печатей, Царю создания, отонудуже воскресшаго Тя зрящи, Мати радовашеся.

Песнь 6

Ирмос: Снизшѣл еси в преисподняя земли, и сокрушил еси верей вѣчныя, содержащія связанныя, Христѣ, и триднѣвен, яко от кита Иѡна, воскресл еси от грѣба.

Христѣс воскресе из мѣртвых.

Сохранѣв цѣла знамения, Христѣ, воскресл еси от грѣба, ключи Дѣвы неврединъ в рождествѣ Твоемъ, и отвѣрзл еси нам райскія двѣри.

Христѣс воскресе из мѣртвых.

Спасе мой, живѣе же и нежѣртвенное заклѣние, яко Бог Сам Себѣ волюю привѣд Отцѹ, совоскресил еси всерѣднаго Адама, воскрес от грѣба.

Пресвятая Богородице, спаси нас.

Богородичны: Возведѣся дрѣвле держимое смѣртию и тлѣнием, воплотѣвшимся от Твоего пречѣстаго чрѣва, к нетлѣнней и присносущней жѣзни, Богородице Дѣво.

Пресвятая Богородице, спаси нас.

Сниде в преисподняя земли, в ложесна Твоя, Чѣстая, сшѣдый, и вселѣвыйся и воплотѣвыйся паче ума, и воздвѣже с Собѣю Адама, воскрес от грѣба.

Конда́к, глас 8-й

А́ще и во гроб снизше́л еси́, Безсме́ртне, но а́дову разруши́л еси́ си́лу, и воскресе́л еси́ я́ко победи́тель, Христé Бóже, жена́м миронóсицам вещáвый: ра́дуйтеся, и Твои́м апóстолом мир да́руяй, па́дшим пода́й воскресе́ние.

И́кос

Е́же прéжде со́лнца Со́лнце, заше́дшее иногда́ во гроб, предвари́ша ко у́тру и́щущия я́ко дне миронóсицы де́вы, и другá ко друзéй вопия́ху: о другíни, приидíte, воня́ми помáжем Тéло живонóсное и погребéнное, плоть Воскресíвшаго па́дшаго Ада́ма, лежа́щую во грóбе. И́дем, потщи́мся я́коже волсви́, и поклони́мся, и принесéм мíра, я́ко да́ры, не в пелена́х, но в плащани́ще обви́тому, и пла́чим, и возопи́им: о Влады́ко, воста́ни, па́дшим пода́й воскресе́ние.

Вóскресение Христо́во ви́девшие...
(стр.108)

Воскрéс Иисýс от грóба, я́коже проре́че, даде́ нам живóт вéчный и вéлию мýд-
лость. (*Трижды*)

Песнь 7

Ирмос: О́троки от пещи́ изба́вивый, быв челове́к, стра́ждет я́ко сме́ртен, и стра́стию сме́ртное в нетле́ния облачи́т благоле́пие, еди́н благослове́н отце́в Бог и препросла́влен.

Христос воскресе из мертвых.

Жены́ с ми́ры богому́дрия в след Тебе́ теча́ху: Егóже я́ко ме́ртва со слеза́ми иска́ху, поклони́шася раду́ющийся Жи́вому Бо́гу, и Па́сху та́йную Твои́м, Христе́, ученико́м благовести́ша.

Христос воскресе из мертвых.

Сме́рти пра́зднуем умерщвле́ние, а́дово разруше́ние, ино́го жити́я вѣчнаго нача́ло, и игра́юще поём вино́внаго, еди́наго благослове́ннаго отце́в Бо́га и препросла́вленнаго.

Христос воскресе из мертвых.

Я́ко войи́стинну свяще́нная и всепра́зднственная сия́ спаси́тельная но́щь и светоза́рная, светонóснаго дне воста́ния сущи́ провозвѣстница, в не́йже безлѣ́тный Свет из грóба плóтски всем возсия́.

Пресвятая Богородице, спаси нас.

Богородичны: Умертвѣв Сын Твой смерть, Всенепоро́чная, днесь, всем

смёртным пребывающий живёт во вѣки веков дарова, едѣн благословѣнный отцев Бог и препрославленный.

Пресвятая Богородице, спаси нас.

Всем царствуяй созданием, быв человек, вселися в Твою, Богоблагодатная, утробу, и распятие претерпѣв и смерть, воскресе боголѣпно, совозставив нас яко всесилен.

Песнь 8

Ирмос: Сей наречѣнный и святый день, едѣн суббот царь и господь, праздников праздник и торжество есть торжеств, в онъже благословим Христа во вѣки.

Христос воскрес из мёртвых.

Приидите, новаго винограда рождѣния, божественнаго весѣлія, в нарочитом дни воскресѣния, Царствия Христова приобщимся, поюще Его яко Бога во вѣки.

Христос воскрес из мёртвых.

Возведи окрест очи твои, Сионе, и виждь: се бо, приидоша к тебе, яко богосвѣтлая светила, от запада, и севера, и моря, и востока чада твоя, в тебе благословящая Христа во вѣки.

Пресвятая Троице, Боже наш, слава Тебѣ.

Троичен: Отче Вседержителю, и Слове, и Душе, Трѣмъ соединяемое во ипостаси-

сех естество, Пресущественне и Пребо-
жественне, в Тя крестѣхомся, и Тя бла-
гословѣм во вся вѣки.

Пресвятая Богородице, спаси нас.

Богородичны: Прииде Тобою в мир
Господь, Дѣво Богородице, и чрево адо-
во расторг, смертным нам воскресение
дарова. Темже благословѣм Его во вѣки.

Пресвятая Богородице, спаси нас.

Всю низложив смерти державу Сын
Твой, Дѣво, Своим воскресением, яко
Бог крепкий совознес нас и обожѣ. Тем-
же воспеваем Его во вѣки.

Песнь 9

Припев: Величит душа моя воскрѣсшаго
тридневнo от гроба Христа Жизнодавца.

Ирмос: Светѣся, светѣся, новый Иерусалиме, слава
бо Господня на тебѣ возсия. Ликуй ныне и веселися,
Сионе. Ты же, Чистая, красуйся, Богородице, о воста-
нии Рождества Твоего.

Припев : Христос новая Пасха, Жертва живая.
Агнец Божий, вземляй грехи мира.

О Божественнаго, о любезнаго, о слад-
чайшаго Твоего гласа! С нами бо нелож-
но обещался еси быти до скончания вѣка,
Христѣ: Егоже, вернии, утверждение на-
дежды имуще, радуемся.

Прпев : Ангел вопияше Благодатней: Чистая Дѣво, радуйся! И паки рекү: радуйся! Твой Сын воскресе триднѣвен от гроба, и мѣртвыя воздвигнувый: людіе, веселитесь!

О Пасха вѣлія и священнейшая, Христѣ! О мудросте, и Слѣве Божій, и сіло! Подавай нам ѣстее Тебѣ причащатися в невечѣрном дни царствія Твоего.

Пресвятая Богородице, спаси нас.

Богородичны: Согласно, Дѣво, Тебѣ блажим вѣрнии: радуйся, двѣре Господня; радуйся, граде одушевленный; радуйся, Еяже ради нам ныне возсия свет, из Тебѣ Рожденнаго из мѣртвых воскресения.


Пресвятая Богородице, спаси нас.

Веселися и радуйся, Божественная двѣре Свѣта: зашедый бо Иисус во гроб возсия, просияв солнца светлее и вѣрныя вся озарив, Богорадованная Владычице.

Ексапостиларій

Плотию уснуv яко мертв, Царю и Господи, триднѣвен воскресл еси, Адама воздвиг от тли и упразднив смерть: Пасха нетления, міра спасение. (*Трижды*)





МОЛИТВЫ НА ВСЯКУЮ ПОТРЕБУ

Молитвы пред началом всякого дела

Царю Небесный... (стр. 4)

Господи, Иисусе Христэ, Сыне Единородный Безначальнаго Твоего Отца, Ты бо рекл еси пречистыми устами Твоими: яко без Мене не можете творите ничесоже. Господи мой, Господи, верою объем в души моей и сердце Тобою реченная, припадаю Твоей благодати: помози ми грешному сие дело, мною начинаемое, о Тебе Самом совершить, во имя Отца, и Сына, и Святаго Духа, молитвами Богородицы и всех Твоих святых. Аминь.

По окончании же дела

Достойно есть... (стр. 19)

Благодарение за всякое благодеяние Божие

Тропарь, глас 4-й

Благодарни суще недостойнии рабы Твой Господи, о Твоих великих благо-

дея́ний на нас бѣ́вших, сла́вяще Тя хва́лим, благосло́вим, благода́рим, поём и велича́ем Твое́ благоутро́бие, и ра́бски любо́вию вопиём Ти: Благоде́телю Спа́се наш, сла́ва Тебе́.

Конда́к, глас 3-й

Сла́ва: Твои́х благодея́ний и даро́в ту́не, я́ко раба́ непотре́бнии, сподо́бльшеся, Влады́ко, к Тебе́ усер́дно притека́юще, благодарё́ние по си́ле прино́сим, и Тебе́ я́ко Благоде́теля и Творца́ сла́вяще, вопиём: сла́ва Тебе́, Бо́же Всеще́дный.

Богоро́дичен

И ны́нѣ: Богоро́дице христиа́ном помо́щнице, Твое́ предста́тельство стяжа́вше раба́ Твой, благода́рно Тебе́ вопиём: ра́дуйся, Пречи́стая Богоро́дице Де́во, и от всех нас бед Твои́ми моли́твами всегда́ изба́ви, еди́на вско́ре предста́тельствующая.

О умножении любви и искоренении злобы

Тропа́рь, глас 4-й

Сою́зом любве́ апо́столы Твоя́ связа́вый, Христэ́, и нас, Твои́х ве́рных рабо́в, к Себе́ тем кре́пко связа́в, твори́ти заповеди Твоя́ и друг дру́га люби́ти нелице-

мѣрно сотвори́, моли́твами Богоро́дицы, еди́не Чело́веколю́бче.

Молитва св. Иоанну Златоустому

О святителю вели́кий Ио́анне Златоу́сте!

Мно́гая и разли́чная дарова́ния от Го́спода прия́л еси́ и я́ко рабъ благи́й и ве́рный все да́нные тебѣ тала́нты до́бре умно́жил еси́, сего́ ра́ди войсти́нну вселѣ́нский учи́тель был еси́, я́ко всяк во́зраст и вся́ко зва́ние от тебѣ поуча́ются. Мы же, грѣшнии (*имена*), по еди́ному кий́ждо свое́ дарова́ние иму́ще, единѣ́ния ду́ха в сою́зе ми́ра не й́мамы, быва́ем тщесла́вни, друг дру́га раздража́юще, друг дру́гу завидя́ще, сего́ ра́ди дарова́ния на́ша разделѣ́нная не в мир и спасѣ́ние, но во вражду́ и осужде́ние нам явля́ются. Те́мже и тебѣ, святителю Бо́жий, припа́даем раздо́ром обурева́еми, и в сокруше́нии се́рдца про́сим: моли́твами твои́ми отже́ни от серде́ц на́ших вся́кую зло́бу, недоброжелате́льство, го́рдость и за́висть нас разделя́ющия, да во мно́зех у́дех еди́но те́ло церко́вное невозбра́нно пребу́дем, да по словеси́ твоему́ моли́твенному возлю́бим друг дру́га и единомы́слием испове́мы Отца́ и Сы́на и Свята́го Ду́ха, Тро́ицу

Единосу́щную и Неразде́льную. Ныне и присно и во веки веков. Аминь.

Во время бедствия и при нападении врагов
Псалом 90

Живы́й в по́мощи Вы́шняго, в кро́ве Бо́га Небе́снаго водворѣ́тся. Рече́тъ Го́сподеви: Засту́пник мой еси́ и Прибе́жище моё, Бог мой, и упова́ю на Него́. Я́ко Той изба́вит тя от се́ти лóвчи, и от словесе́ мяте́жна, плещма́ Сво́йма осенѣ́тъ тя, и под криле́ Его́ наде́ешися: ору́жием обы́дет тя ѣ́стина Его́. Не убой́шися от стра́ха но́щнаго, от стрелы́ летя́щая во дни, от ве́щи во тме прехо́дящая, от сря́ща, и бе́са полу́деннаго. Падѣ́тъ от страны́ твоея́ ты́сяща, и тма одесну́ю тебе́, к тебе́ же не при́блѣжится, оба́че очѣ́ма тво́йма смóтриши, и воздая́ние грѣ́шников у́зриши. Я́ко Ты, Го́споди, упова́ние моё, Вы́шняго положи́л еси́ прибе́жище твое́. Не при́идет к тебе́ зло, и ра́на не при́блѣжится телеси́ твоему́, я́ко А́нгелом Сво́им заповѣ́сть о тебе́, сохра́нити тя во всех путе́х тво́их. На рука́х во́змут тя, да не когда́ преткне́ши о ка́мень но́гу твою́, на а́спида и васи́лыска насту́пиши, и попере́ши льва и змѣ́ю. Я́ко на Мя упова́, и изба́влю ѣ́: покро́ю ѣ́, я́ко

позна́ имя Моё. Воззо́вет ко Мне, и услы́шу его́: с ним есмь в ско́рби, изму́ его́, и просла́влю его́, долгото́ю днѣй испо́лню его́, и явлю́ ему́ спасѣ́ние Моё.

Молитва перед вкушением пищи

О́тче наш... (стр. 5)

На благословение пищи и питья мирянами

Го́споди Иису́се Христѣ́, Бо́же наш, благослови́ нам пи́щу и питиѣ́ моли́твами Пречи́стыя Твоея́ Ма́тери и всех святы́х Твои́х, я́ко благословѣ́н еси́ во ве́ки. Ами́нь. *И перекрести́ пищу́ и питье.*

Молитва после вкушения пищи

Благодаримъ Тя, Христѣ́ Бо́же наш, я́ко насы́тил еси́ нас земны́х Твои́х благ; не лиш́и нас и Небе́снаго Твоего́ Ца́рствія, но я́ко посреде́ ученико́в Твои́х пришѣ́л еси́, Спа́се, мир да́й им, прииди́ к нам и спаси́ нас.

Молитва о болящих

Влады́ко, Вседержи́телю, Святы́й Царю́, наказу́яй и не умерщвля́яй, утвержда́яй низпа́дающія и возводя́й низве́рженныя, телѣсныя челове́ков ско́рби исправля́яй,

мо́лимся Тебе́, Бо́же наш, раба́ Твоего́ (*имя*) немощствующа посети́ мѣлостію Твоею, прости́ ему́ всякое согрѣшеніе во́льное и нево́льное. Ей, Го́споди, врачѣбную Твою́ сі́лу с небесе́ низпосли́, прикосни́ся телеси́, угаси́ огневѣцу, укроти́ страсть и всякую нѣмощь таящуюся, бу́ди врач раба́ Твоего́ (*имя*), воздвѣгни его́ от одра́ болѣзненнаго и от ло́жа озлобленія цѣла и всесовершенна, да́руй его́ Цѣркви Твое́й благоугожда́юща и творя́ща во́лю Твою́. Твое́ бо есть, е́же мѣловати и спаса́ти ны, Бо́же наш, и Тебе́ сла́ву возсыла́ем, Отцу́ и Сы́ну и Свято́му Ду́ху, ны́не и прѣсно и во ве́ки веко́в. Ами́нь.

Молитва перед выходом из дома

Стопы́ моя напра́ви по словеси́ Твоему́, да не облада́ет мно́ю всякое беззаконіе.

И ограждай себя крѣстным зна́меніем.

О путешествующих

Тропа́рь, глас 2-й

Пу́ть и ѣстина сый, Христѣ, спутника́ Ангела Твоего́ рабо́м Твои́м ны́не, я́коже Товіи иногда́, послѣ сохраня́юща, и невре́димых, к сла́ве Твое́й, от всяка́го зла во всяком благополучіи соблюда́-

юща, моли́твами Богоро́дицы, еди́не
Человеколю́бче.

Конда́к, глас 2-й

Луце́ и Клео́пе во Еммау́с спутешество-
вавый, Спа́се, сше́ствуй и ны́не рабо́м
Твои́м, путешествовати хотя́щим, от вся́-
каго избавля́я их зла́го обстоя́ния: вся бо
Ты, я́ко Человеколю́бец, мо́жеши хотя́й.

*Молитва от осквернения
св. Васи́лия Великого*

Многоми́лостиве, нетле́нне, нескве́рне,
безгре́шне Го́споди, очисти́ мя непот-
ре́бнаго раба́ Твоего́ от вся́кия скве́рны
плотскі́я и душе́вныя, и от невнима́ния
и уны́ния моего́ прибыв́шую ми нечисто-
ту́, со ине́ми все́ми беззако́ньми мои́ми,
и яви́ мя нескве́рна, Влады́ко, за бла́гость
Христа́ Твоего́, и освяти́ мя наше́ствием
Пресвята́го Твоего́ Ду́ха, я́ко да возбну́в
от мглы́ нечи́стых привиде́ний диа́воль-
ских и вся́кия скве́рны, сподо́блюся чи́с-
тою со́вестію отвёрсти́ скве́рная моя́
и нечи́стая уста́, и воспева́ти всесвято́е
и́мя Твое́, Отца́ и Сы́на и Свята́го Ду́ха,
ны́не и прі́сно и во ве́ки веко́в. Ами́нь.

СОДЕРЖАНИЕ

Молитвы утренние	3
Молитвы на сон грядущим	21
Каноны совмещенные	41
Последование ко Святому Причащению	68
Благодарственные молитвы по Святом Причащении	99
Часы Пасхи и всей Светлой седмицы	108
Пасхальный канон	110
Молитвы на всякую потребу	121

***Приглашаем посетить интернет-магазин
православной книги «Зёрна»:
– большой выбор книг по издательским ценам;
– новинки православных издательств;
– быстрая доставка почтой.
Эл. адрес: www.zuorna.ru тел. 8-(4912)-76-44-8;
8-800-200-84-85 - бесплатный***

Издательство «Зёрна-Слово»
390046, г. Рязань, ул. Маяковского, 41

Отпечатано в ОАО «ЧПК» Зак. 3137
E-mail: marketing@chpk.ru Сайт www.chpk.ru
Факс 8(496)726-54-10 тел.: 8(495)988-63-87

ЗЕУНА